

## Član 3.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-573/21  
02. juna 2021. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 50. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa Zakonom o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), te člana 26. stav 1. tačka 2. i 14. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na Drugoj sjednici održanoj dana 02.06.2021. godine, donijelo je

## ODLUKU

O ORGANIZACIJI I DJELOKRUGU ORGANA UPRAVE  
GRADA SARAJEVA

## POGLAVLJE I - OSNOVNE ODREDBE

## Član 1.

(Osnivanje organa uprave)

Ovom Odlukom, osnivaju se i organizuju organi uprave, kao jedinstveni gradski organ uprave u kojem djeluju gradske službe za upravu, kao gradski organi uprave (u daljnjem tekstu: Gradska uprava), utvrđuje njihov djelokrug, rukovođenje i uređuju druga pitanja od značaja za njihovo organizovanje i funkcionisanje.

## Član 2.

(Djelokrug Gradske uprave)

Djelokrug Gradske uprave obuhvata upravne i druge stručne poslove, poslove iz samoupravnog djelokruga Grada, koji su utvrđeni Ustavom, Zakonom i Statutom Grada Sarajeva, kao i upravne i druge poslove iz nadležnosti Bosne i Hercegovine, Federacije Bosne i Hercegovine i Kantona Sarajevo, koji se federalnim, odnosno kantonalnim zakonima i drugim propisima i propisima Bosne i Hercegovine prenesu ili delegiraju Gradskoj upravi.

## POGLAVLJE II - GRADSKI ORGANI UPRAVE

## Odjeljak A - Gradske službe za upravu

## Član 3.

(Gradske službe za upravu)

- (1) Gradski organi uprave su gradske službe za upravu.
- (2) Za vršenje upravnih i drugih poslova iz samoupravnog djelokruga Grada i prenesenih upravnih ili delegiranih poslova, u smislu člana 2. ove Odluke, osnivaju se i organizuju sljedeće gradske službe za upravu:
  - a) Gradska služba za opću upravu i zajedničke poslove;
  - b) Gradska služba za lokalnu samoupravu i razvoj grada;
  - c) Gradska služba finansija;
  - d) Gradska služba za lokalno poslovanje;
  - e) Gradska služba za poslove informacionog centra;
  - f) Gradska služba za urbano planiranje, investicije, stambene i komunalne poslove;
  - g) Gradska služba za obrazovanje, sport, kulturu i mlade;
  - h) Gradska služba za internu reviziju;
  - i) Gradska služba za inspeksijski nadzor;

## Član 4.

(Stručne službe)

- (1) Za obavljanje stručnih, tehničkih i drugih poslova za potrebe Gradskog vijeća i gradonačelnika osnovat će se odgovarajuće stručne, tehničke i druge službe.

- (2) O osnivanju službi iz stava 1. ovog člana, nazivu, nadležnostima, rukovođenju, odgovornostima i drugim pitanjima odlučuje gradonačelnik.

## Odjeljak B - Djelokrug gradskih službi za upravu

## Član 5.

(Gradska služba za opću upravu i zajedničke poslove)

Gradska služba za opću upravu vrši sljedeće poslove:

Priprema propise i druge akte iz svoje nadležnosti koje donosi Gradsko vijeće i gradonačelnik i stara se o njihovom izvršavanju; prati stanje i pojave u oblasti uprave i predlaže mjere i aktivnosti u toj oblasti; stara se o upotrebi imena i simbola Grada Sarajeva; analizira, inicira, predlaže, te učestvuje u izradi i realizaciji planova, projekata i programa u oblastima za koje je osnovana; inicira usklađivanje propisa sa propisima više pravne snage iz svoje oblasti; vrši upravne i stručne poslove i prenesene poslove federalne i kantonalne uprave, u skladu sa zakonom; obavlja normativno pravne, upravne i stručne poslove vezane za radne odnose, upotrebu ljudskih resursa i kadrovsku politiku; obavlja poslove prijave i odjave, kao i promjena stanja državnih službenika i namještenika, kao i lica koji se nalaze na stručnom osposobljavanju i izabranih i imenovanih zvaničnika Grada kod nadležne poreske uprave i Zavoda zdravstvenog osiguranja; obavlja poslove koji se tiču oglašnih i konkursnih procedura prijema u radni odnos; planira i provodi postupke javnih nabavki, te izrađuje potrebne akte u skladu sa Zakonom o javnim nabavkama u Bosni i Hercegovini, kao što su: izrada prijedloga godišnjeg plana javnih nabavki, vođenje evidencije i sačinjavanje izvještaja o pokrenutim i provedenim postupcima javnih nabavki, sačinjavanje, odnosno izradu nacrti pojedinačnih akata iz oblasti javnih nabavki, i drugi poslovi koji se tiču oblasti javnih nabavki; pruža potrebnu informatičku i tehničku podršku; vrši nabavku i distribuciju kancelarijskog potrošnog materijala i ostalih materijalno-tehničkih sredstava, te vrši njihovu evidenciju, vrši poslove tekućeg održavanja i uređivanja prostorija (klimatizacija, grijanje, instalacije, održavanje higijene objekata i prostora Grada Sarajeva, protiv-požarna zaštita, dezinfekcija, deratizacija, i dr.); vrši poslove održavanja i korištenja voznog parka; vrši poslove pisarnice za potrebe jedinstvenog organa uprave u kojem djeluju gradske službe za upravu, kao gradski organi uprave, a što uključuje poslove kancelarijskog i arhivskog poslovanja u skladu sa pozitivnim propisima: daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajevo i Federacije BiH, vrši i druge poslove iz oblasti za koje je osnovana, kao i poslove koje joj u zadatak stavi gradonačelnik.

## Član 6.

(Gradska služba za lokalnu samoupravu i razvoj grada)

Gradska služba za lokalnu samoupravu i razvoj grada vrši sljedeće poslove:

Prati stanje i pojave u oblasti donošenja i primjene propisa iz oblasti lokalne samouprave, te s tim u vezi učestvuje u obezbjeđivanju saradnje Grada sa nadležnim organima općina koje čine Grad, ali i općina koje nisu u sastavu Grada, a imaju zajedničke interese lokalnog karaktera, te obezbjeđuje saradnju sa lokalnim vlastima u najboljem interesu lokalne samouprave u Kantonu Sarajevo, Federaciji Bosne i Hercegovine i Bosne i Hercegovine; obavlja poslove saradnje sa Ombudsmenima iz djelokruga rada; stara se o zaštiti prava na lokalnu samoupravu Grada; osigurava saradnju sa vjerskim zajednicama, nacionalnim manjinama, nevladinim organizacijama i udruženjima građana koji nisu iz nadležnosti druge gradske službe; osigurava sprovođenje neposrednog odlučivanja građana putem gradskog referenduma, te vodi brigu o zaštiti

ljudskih prava i osnovnih sloboda sa aspekta gradskih nadležnosti; stara se o realizaciji građanskih inicijativa iz djelokruga Službe; predlaže mjere za razvoj grada, u smislu ulaganja i investiranja na bazi projekata koji podrazumijevaju saradnju sa regijama i drugim gradovima u BiH, stranim partnerima i investitorima; inicira i realizuje saradnju Grada sa srodnim međunarodnim asocijacijama, gradovima, vladinim i nevladinim organizacijama i stara se o izvršenju saradnje uspostavljene odgovarajućim aktima; radi na provođenju aktivnosti i apliciranju na EU i druge relevantne fondove sa projektnim idejama koje doprinose razvoju Grada, sa posebnim fokusom na održivi razvoj; prati javne pozive u oblasti lokalnog razvoja i s tim u vezi podnosi prijave (aplikacije) za dodjelu sredstava; stara se o implementaciji odobrenih projekata iz segmenta održivog razvoja, te predlaganju mjera za unapređenje procesa razvoja Grada; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajevo i Federacije BiH; vrši druge poslove iz oblasti za koje je osnovana, kao i poslove koje joj u zadatak stavi gradonačelnik.

#### Član 7.

##### (Gradska služba finansija)

Gradska služba finansija vrši sljedeće poslove:

Prati stanje i pojave u oblasti primjene propisa iz oblasti finansija; provodi utvrđenu politiku u oblasti budžeta i finansija prema principima trezorskog poslovanja; priprema Budžet, izmjene i dopune Budžeta, izvještaj o izvršenju Budžeta i završni račun Budžeta; analizira, inicira i izrađuje propise iz oblasti finansija; planira, prati i izvještava o izvršenju Budžeta; osigurava prihode Grada u skladu sa Statutom Grada Sarajeva i zakonom, te inicira donošenje zakonskih rješenja u interesu Grada Sarajeva; vodi finansijske i knjigovodstvene poslove; inicira i učestvuje u izradi planova i programa iz oblasti finansija; priprema propise i druge akte iz nadležnosti Službe koje donosi Gradsko vijeće i gradonačelnik; vrši obračun i isplatu plaća za sve korisnike gradskog budžeta kao i obračun i isplate naknada za gradske vijećnike, državne službenike i namještenike; inicira rješenja od interesa za Grad Sarajevo prema višim nivoima vlasti; predlaže donošenje propisa o porezima, naknadama, taksama, javnim zajmovima, zaduživanju; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajevo i Federacije BiH; vrši i druge poslove iz oblasti za koje je osnovana, kao i poslove koje joj u zadatak stavi gradonačelnik.

#### Član 8.

##### (Gradska služba za lokalno poslovanje)

Gradska služba za lokalno poslovanje vrši sljedeće poslove:

Prati stanje i pojave u oblasti primjene propisa za oblast za koju je osnovana; prati stanje, sačinjava i priprema prijedloge propisa iz oblasti lokalnog poslovanja; stara se o provođenju politike utvrđene Strategijom razvoja Grada; predlaže aktivnosti za razvoj turizma i turističke infrastrukture Grada i saraduje sa turističkim zajednicama; predlaže mjere za razvoj Grada, u smislu ulaganja i investiranja u projekte koji podrazumijevaju i saradnju sa regijama i drugim gradovima u BiH, stranim partnerima i privatnim investitorima; redovno održava kontakte sa lokalnim organima uprave Federacije Bosne i Hercegovine te priprema analize, informacije i izvještaje vezano za održane sastanke sa predstavnicima drugih lokalnih zajednica; inicira i predlaže zajedničke projekte sa lokalnim zajednicama u Federaciji Bosne i Hercegovine; inicira i realizuje saradnju Grada sa međunarodnim asocijacijama, gradovima, vladinim i nevladinim organizacijama; obezbjeđuje saradnju sa Savezom općina i gradova Federacije Bosne i

Hercegovine i srodnim savezima u Bosni i Hercegovini i regiji; inicira i realizuje saradnju Grada sa međunarodnim asocijacijama, gradovima, vladinim i nevladinim organizacijama, te priprema odluke i akte potrebne za bilateralnu i multilateralnu saradnju Grada i stara se o njihovom izvršenju; inicira i realizuje saradnju sa zdravstvenim ustanovama, kao i javnim ustanovama, vladinim i nevladinim organizacijama dječije i porodične zaštite; učestvuje u organizovanju lokalnih, regionalnih kao i međunarodnih skupova čiji je domaćin Grad; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajevo i Federacije BiH; vrši druge poslove za koje je osnovana, kao i poslove koje joj u zadatak stavi gradonačelnik.

#### Član 9.

##### (Gradska služba za poslove Informacionog centra)

Gradska služba za poslove Informacionog centra vrši sljedeće poslove:

Predlaže i priprema propise i druge akte iz nadležnosti službe koje donosi Gradsko vijeće i gradonačelnik; prati stanje zakonske regulative u oblasti za koju je osnovana; informiše javnost o pitanjima ratnih zločina, uspostavlja snažne vanjske komponente, uključujući: komponentu tranzicione pravde i suočavanja s prošlošću organizovanjem raznih informativnih i edukativnih javnih događaja; komponentu podrške pravnim profesionalcima i grupama civilnog društva koji se bave ratnim zločinima pred domaćim sudovima u Bosni i Hercegovini; izložbenu komponentu – prikaz rada Međunarodnog krivičnog suda za bivšu Jugoslaviju (u daljem tekstu: MKSJ) i sudova u Bosni i Hercegovini na donošenju presuda u predmetima ratnih zločina, izrađuje pravne propise i druge odluke iz svoje nadležnosti; saraduje sa sredstvima informisanja po svim pitanjima aktivnosti Informacionog centra; priprema i organizuje poslove vezane za uključivanje Grada u dostupne programe tehničko-finansijske pomoći, u saradnji sa specijalistima MKSJ i arhivskom materijalu sadržanom u online bazama podataka MKSJ; obezbjeđuje održavanje i nesmetano funkcionisanje sistema; stara se o ispravnosti i funkcionisanju instalirane računarske, programske, komunikacione i druge prateće opreme u Informacionom centru; pruža stručno-tehničku pomoć korisnicima baze podataka, rješava softverske i mrežne probleme; održava WEB stranicu Službe; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajeva i Federacije BiH; vrši i druge poslove za koje je osnovana kao i poslove koje joj u zadatak stavi gradonačelnik.

#### Član 10.

##### (Gradska služba za urbano planiranje, investicije, stambene i komunalne poslove)

Gradska služba za urbano planiranje, investicije, stambene i komunalne poslove vrši sljedeće poslove:

Izvršava i osigurava izvršavanje zakona i drugih propisa iz oblasti za koje je osnovana; priprema propise i druge akte iz nadležnosti službe koje donosi Gradsko vijeće i gradonačelnik; izrađuje informacije, izvještaje, analize i mišljenja iz oblasti prostornog uređenja; predlaže smjernice za izradu regulacionih planova; priprema plan građevina od značaja za Grad; prati stanje i pojave u oblasti urbanizma i prostornog uređenja, te inicira rješenja od interesa za Grad Sarajevo prema višim nivoima vlasti; rješava u upravnim stvarima iz svoje nadležnosti; vrši poslove planiranja zaštite okoliša i zaštite životne sredine; vrši poslove iz oblasti upotrebe lokalnog zemljišta; priprema program i plan aktivnosti za izradu i donošenje planova prostornog uređenja; inicira, učestvuje u izradi i realizaciji planova, programa i projekata u oblasti

prostornog uređenja i planiranja; vrši poslove iz oblasti izvršnih aspekata stambene politike; vodi evidenciju o nepokretnoj imovini u vlasništvu Grada u saradnji sa Službom finansija i Pravobranilaštvom Grada Sarajeva, vodi brigu o uređenju enterijera i eksterijera objekata u vlasništvu Grada, odnosno objekata koje koristi Grad; vrši analizu i praćenje stanja energetske efikasnosti, strateških smjernica i zakonske i druge regulative energetske politike u smjeru energetski održivog razvoja i poboljšanju energetske efikasnosti na području Grada; inicira donošenje propisa, akata i projekata iz oblasti energetske efikasnosti, te ostvaruje saradnju sa organima i tijelima; obavlja poslove iz samoupravnog djelokruga Grada koji se odnose na: javni saobraćaj, vodu, kanalizaciju, prikupljanje otpada, grijanje, gas, tržnice, javne parkove, vodotoci, spomen-obilježja, vatrogasne brigade, groblja; prati stanje i pojave u oblasti obavljanja komunalnih djelatnosti i komunalne infrastrukture; ostvaruje saradnju po pitanju funkcionisanja komunalnih djelatnosti sa kantonalnim organima i gradskim općinama, kao i sa drugim državnim organima i susjednim općinama; priprema i realizuje investicione projekte iz svog djelokruga; predlaže i implementira projekte u oblasti zaštite okoliša; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koja donose organi Kantona Sarajevo i Federacije BiH; vrši i druge poslove iz oblasti za koje je osnovana, kao i poslove koje joj u zadatak stavi gradonačelnik.

#### Član 11.

(Gradska služba za obrazovanje, sport, kulturu i mlade)

Gradska služba za obrazovanje, sport, kulturu i mlade vrši sljedeće poslove:

Prati stanje zakonske regulative u oblasti za koju je osnovana i inicira rješenja od interesa za Grad Sarajevo prema višim nivoima vlasti; priprema propise i druge akte iz nadležnosti službe, koje donosi Gradsko vijeće i gradonačelnik; izvršava upravne i stručne poslove u okviru samoupravnog djelokruga Grada u oblasti bibliotekarske djelatnosti, zaštite kulturne baštine, muzejske djelatnosti, arhivske djelatnosti i pozorišne djelatnosti i pitanja mladih; izvršava upravne i stručne poslove, u okviru samoupravnog djelokruga Grada u oblasti osnovnog i srednjeg obrazovanja; provodi i vrši nadzor nad ostvarivanjem Odluke o načinu provođenja javnog interesa Grada Sarajeva u oblasti sporta; provodi mjere i aktivnosti na zaštiti kulturno - historijskog naslijeđa Grada; prati provođenja politike prema mladima i aktivno ostvaruje saradnju sa omladinskim sektorom na kreiranju i sprovođenju omladinske politike i poboljšanju položaja mladih, u skladu Zakonom o mladima Federaciji Bosne i Hercegovine; vodi sve potrebne evidencije iz oblasti za koje je osnovana; organizuje, podstiče i vrši nadzor nad realizacijom kulturno sportskih i drugih manifestacija koje organizuje Grad, samostalno ili u saradnji s drugim subjektima; inicira i učestvuje u izradi planova, programa, izvještaja, informacija i drugih dokumenata iz svog djelokruga; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koja donose organi Kantona Sarajevo i Federacije BiH; vrši i druge poslove iz oblasti za koje je osnovana, kao i poslove koje joj u zadatak stavi gradonačelnik.

#### Član 12.

(Gradska služba za internu reviziju)

Gradska služba za internu reviziju vrši sljedeće poslove:

Obavlja poslove u skladu sa Zakonom o internoj reviziji i javnom sektoru u Federaciji Bosne i Hercegovine, Metodologijom rada interne revizije u javnom sektoru u Federaciji Bosne i Hercegovine, Priručnikom za procjenu rizika i planiranje interne revizije u javnom sektoru u Federaciji Bosne i Hercegovine, Poveljom interne revizije i drugim propisima iz oblasti interne revizije; priprema pravilnik o

reviziji i operativna uputstva; vrši reviziju izvršenja i finansijsku reviziju koje su u skladu sa standardima za internu reviziju; vrši sistematičan pregled i procjenu upravljanja rizikom i internih kontrola; aktivno radi na identifikaciji rizika, ocjeni rizika i upravljanja rizikom; priprema strateški plan interne revizije organizacije za period od tri godine, koji usvaja gradonačelnik; priprema godišnji plan interne revizije, koji usvaja gradonačelnik, te osigurava njegovu adekvatnu implementaciju i nadzor nad njegovim izvršavanjem, vrši kontrolu usklađenosti sa uspostavljenim politikama, procedurama, zakonima i regulativama, što podrazumijeva pregled finansijske dokumentacije i izražavanje uvjerenja da li su izvještaji korisnika sredstava i grada prikazani fer, objektivno i istinito, a u vezi sa čim se sačinjava revizorski nalaz i predlaže preporuke; vrši kontrolu čuvanja sredstava organa uprave od gubitka kao rezultata svih vidova nepravilnosti; informiše rukovodioca organa o postojanju sukoba interesa kao i u slučajevima da se pojavi sumnja u nepravilnosti i/ili prevare koje mogu rezultirati kriminalnim aktivnostima ili kršenjem propisa radi daljnjeg postupanja; priprema godišnji izvještaj o aktivnostima interne revizije; osigurava kvalitet aktivnosti interne revizije u skladu sa pravilima izdatim od Centralne Harmonizacijske Jedinice (CHJ); osigurava obuku internih revizora; priprema i dostavlja godišnji plan obuke rukovodiocu organa radi odobravanja i osigurava njegovu implementaciju; osigurava efikasno korištenje resursa dodjeljenih za vršenje funkcije interne revizije; vrši kontrolu integriteta i vjerodostojnosti informacija, računa i podataka, uključujući procese; izrađuje preporuke kojima se obezbjeđuje funkcionalnost interne kontrole, te prati postupanja po preporukama; dostavlja popunjeni godišnji GI-IR obrazac CHJ, te informiše CHJ o eventualnim razlikama u mišljenjima između Službe i rukovodioca organa; saraduje sa Uredom za reviziju institucija u Federaciji Bosne i Hercegovine u razmjeni izvještaja, dokumentacije i mišljenja; sačinjava redovne izvještaje prema gradonačelniku kojima su obuhvaćena sva bitna pitanja intrene revizije i predlaže/inicira određene specifične zadatke konsultantske prirode koji nisu predmetom godišnjeg plana interne revizije Grada; prati stanje u oblasti za koju je osnovana; učestvuje u pripremi propisa i drugih akata iz oblasti za koju je osnovana, a koje donosi Gradsko vijeće i gradonačelnik; vrši i druge poslove za oblast za koju je osnovana, kao i poslove koje joj u zadatak stavi gradonačelnik.

#### Član 13.

(Gradska služba za inspeksijski nadzor)

Gradska služba za inspeksijski nadzor vrši sljedeće poslove:

Obavlja isključivo poslove inspeksijskog nadzora nad primjenom i izvršavanjem zakona i drugih propisa iz oblasti za koju je osnovana, kao i poslove inspeksijskog nadzora nad provođenjem propisa iz nadležnosti Grada Sarajeva iz oblasti komunalnih poslova; prati stanje i pojave, te cijeni podatke i informacije iz oblasti obavljanja komunalnih djelatnosti i komunalne infrastrukture; ostvaruje saradnju po pitanju inspeksijskog nadzora sa kantonalnim organima i gradskim općinama, kao i sa drugim državnim organima i susjednim općinama, te drugim subjektima; prati stanje zakonske regulative u oblasti za koju je osnovana, te inicira rješenja od interesa za Grad Sarajevo višim nivoima vlasti; učestvuje u pripremi propisa i drugih akata iz nadležnosti koje donosi Gradsko vijeće i gradonačelnik; daje primjedbe, mišljenja, prijedloge i sugestije prilikom izrade akata koji se odnose na oblast, odnosno djelokrug rada službe, a koje donose nadležni organi Kantona Sarajevo i Federacije BiH; vrši i druge poslove iz oblasti za koje je osnovana, kao i poslove koje joj u zadatak stavi gradonačelnik.

Član 14.

(Mogućnost formiranja odsjeka)

U okviru službi mogu se formirati odsjeci, koje čine osnovne organizacione jedinice u kojima se obavljaju naročito složeni poslovi i u većem obimu, a za čije obavljanje je neophodno da se grupišu po istovrsnosti, složenosti, odnosno međusobnoj povezanosti upravnih i drugih stručnih poslova za koje je potreban veći stepen samostalnosti u rukovođenju.

**POGLAVLJE III - OSNIVANJE KOMISIJA ILI DRUGIH RADNIH TIJELA**

Član 15.

(Mogućnost osnivanja komisija ili drugih radnih tijela)

Za izvršenje pojedinih složenih poslova i zadataka gradonačelnik može formirati komisije ili druga radna tijela, te angažirati naučne i stručne institucije ili pojedince kao eksterne saradnike Gradskog savjeta formiranog u skladu sa članom 47. stav 5. Statuta Grada Sarajeva, radi pripremanja odgovarajućih akata ili materijala za potrebe Gradske uprave Grada Sarajeva, u skladu sa zakonom.

**POGLAVLJE IV - RUKOVOĐENJE ORGANOM UPRAVE**

Član 16.

(Gradonačelnik)

Gradonačelnik rukovodi Organom uprave, odnosno svim gradskim službama za upravu i u tom pogledu ima ovlaštenja utvrđena ustavom, zakonom, Statutom Grada Sarajeva, te drugim propisima.

Član 17.

(Sekretar organa uprave)

- (1) Sekretar organa uprave obavlja poslove od značaja za unutrašnju organizaciju i rad Grada Sarajeva u skladu sa zakonom i drugim propisima.
- (2) Sekretar organa uprave za svoj rad neposredno odgovara gradonačelniku.

Član 18.

(Sekretar Gradskog vijeća)

- (1) Sekretar Gradskog vijeća obavlja poslove od značaja za rad Gradskog vijeća, koordinaciju rada između gradonačelnika i Gradskog vijeća u skladu sa zakonom i drugim propisima.
- (2) Sekretar Gradskog vijeća za svoj rad neposredno odgovara gradonačelniku.

Član 19.

(Pomoćnik gradonačelnika)

Gradskom službom za upravu rukovodi neposredno pomoćnik gradonačelnika sa ovlaštenjima koja na njega prenese gradonačelnik, u skladu sa zakonom, ovom Odlukom, drugim propisima i Pravilnikom o unutrašnjoj organizaciji Gradske uprave.

Član 20.

(Gradski savjet)

Gradski savjet, kao pomoćno tijelo, pomaže gradonačelniku u donošenju, pripremanju i izvršavanju akata iz nadležnosti gradonačelnika i vrši druge poslove koje odredi gradonačelnik.

Sastav Gradskog savjeta, njegove nadležnosti i druga pitanja bitna za rad utvrđena su odredbom člana 47. Statuta Grada Sarajeva.

Poslovníkom, kojeg donosi gradonačelnik, uređuju se pojedinih o radu Gradskog savjeta.

**POGLAVLJE V - PRELAZNE I ZAVRŠNE ODREDBE**

Član 21.

(Donošenje Pravilnika o unutrašnjoj organizaciji)

- (1) Pravilnikom o unutrašnjoj organizaciji Gradske uprave, u skladu sa zakonom, ovom Odlukom i drugim propisima, utvrdit će se poslovi koje vrše državni službenici i

namještenici, kategorije u okviru radnih mjesta, uslovi za vršenje poslova, broj državnih službenika i namještenika i druga pitanja.

- (2) Pravilnik iz prethodnog stava ovog člana donijet će gradonačelnik u roku od 30 dana od dana stupanja na snagu ove Odluke.

Član 22.

(Nastavak rada gradskih službi za upravu)

- (1) Do stupanja na snagu Pravilnika iz člana 21. ove Odluke, gradske službe osnovane Odlukom o organizaciji i djelokrugu organa uprave i upravne organizacije Grada Sarajeva ("Službene novine Kantona Sarajeva", br. 27/17 i 9/20) nastavljaju sa radom.
- (2) U gradskim službama, iz stava (1) ovog člana, državni službenici i namještenici nastavljaju obavljati poslove i radne zadatke radnih mjesta na koja su postavljeni, u skladu sa zakonom, do donošenja Pravilnika.

Član 23.

(Prestanak važenja dosadašnjih propisa)

Danom stupanja na snagu ove odluke prestaje da važi Odluka o organizaciji i djelokrugu organa uprave Grada Sarajeva ("Službene novine Kantona Sarajeva", br. 27/17 i 9/20).

Član 24.

(Rodna ravnopravnost)

Odredbe ove odluke odnose se podjednako na lica muškog i ženskog spola, bez obzira na rod imenice upotrijebljen u tekstu Odluke.

Član 25.

(Način donošenja izmjena i dopuna)

Izmjene i dopune Odluke vrše se na način i po postupku za njeno donošenje.

Član 26.

(Stupanje na snagu Odluke)

Ova odluka stupa na snagu danom objavljivanja u "Službenim novinama Kantona Sarajeva".

Broj 01-GV-02-574/21  
02. juna 2021. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 26. stav 1. tačka 2. i 10. i člana 73. Statuta Grada Sarajeva ("Službene novine Kantona Sarajeva", broj 34/08 - Prečišćeni tekst), Gradsko vijeće Grada Sarajeva, na Drugoj sjednici održanoj dana 02.06.2021. godine, donijelo je

**ODLUKU**

**O POKRETANJU POSTUPKA PRODAJE SLUŽBENIH PUTNIČKIH VOZILA U VLASNIŠTVU GRADA SARAJEVA**

Član 1.

Pokreće se postupak prodaje službenih vozila:

1. VOLKSWAGEN PASSAT, 2.0 TDI SCR 4MO DSG Highline, registarske oznake: 002-J-930, tip vozila: 3G, broj šasije: WVWZZZ3CZJE191741, broj motora: DFH 441920, karoserija: AA - Limuzina, gorivo: Diesel, snaga KW: 140, godina proizvodnje: 2018, zapremina ccm: 1968, broj sjedišta: 5, boja: crna;
2. ŠKODA OKTAVIA, registarske oznake: A95-K-467, tip vozila 1Z, broj šasije: TMBBS21Z16S007113, broj motora: BJB189311, karoserija: AA - Limuzina, gorivo: Diesel, snaga KW: 77, godina proizvodnje: 2005, zapremina ccm: 1896, broj sjedišta: 5, boja: crvena;

## Član 25.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-575-1/22  
04. aprila 2022. godine  
Sarajevo

Predsjedavajući  
Gradskog vijeća  
Jasmin Ademović, s. r.



Na osnovu člana 50. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa Zakonom o državnoj službi u Kantonu Sarajevo ("Službene novine Kantona Sarajevo", br. 31/16 i 45/19) te člana 26. stav 1. tačka 2. i 14. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 14. sjednici održanoj dana 04.04.2022. godine, donijelo je

**ODLUKU  
O IZMJENAMA I DOPUNAMA ODLUKE O  
ORGANIZACIJI I DJELOKRUGU ORGANA UPRAVE  
GRADA SARAJEVA**

Član 1.  
(Predmet)

Ovom Odlukom vrše se izmjene i dopune Odluke o organizaciji i djelokrugu organa uprave Grada Sarajeva ("Službene novine Kantona Sarajevo", broj 24/21).

## Član 2.

(Dopuna člana 3.)

U članu 3. stav 2. tačka b) brišu se riječi "i razvoj grada" i dodaje se "tačka j) Gradska služba za održivi razvoj.

## Član 3.

(Izmjene i dopuna člana 5.)

U članu 5. stav 1. iza riječi "za opću upravu", dodaju se riječi "i zajedničke poslove", a iza riječi "vrši sljedeće poslove", slijedi tekst:

Gradska služba za opću upravu vrši sljedeće poslove:

Priprema propise i druge akte iz svoje nadležnosti koje donosi Gradsko vijeće i gradonačelnica Grada Sarajeva i stara se o njihovom izvršavanju; prati stanje i pojave u oblasti uprave i predlaže mjere i aktivnosti u toj oblasti; stara se o upotrebi imena i simbola Grada Sarajeva; analizira, inicira, predlaže te učestvuje u izradi i realizaciji planova, projekata i programa u oblastima za koje je osnovana; inicira usklađivanja propisa sa propisima više pravne snage iz svoje oblasti; vrši upravne i stručne poslove i prenesene poslove federalne i kantonalne uprave u skladu sa zakonom; obavlja normativno-pravne,

upravne i stručne poslove vezane za radne odnose, upotrebu ljudskih resursa i kadrovsku politiku; obavlja poslove prijave i odjave, kao i promjene stanja državnih službenika i namještenika i lica koji se nalaze na stručnom osposobljavanju te izabranih i imenovanih zvaničnika Grada kod nadležne poreske uprave i Zavoda zdravstvenog osiguranja; obavlja poslove koji se tiču oglasnih i konkursnih procedura prijema u radni odnos; vrši nabavku i distribuciju kancelarijskog potrošnog materijala i ostalih materijalno-tehničkih sredstava te vrši njihovu evidenciju; vrši poslove tekućeg održavanja i uređivanja prostorija (klimatizacija, grijanje, instalacije, održavanje higijene objekata i prostora Grada Sarajeva, protupožarna zaštita, dezinfekcija, dezinfekcija i deratizacija i dr.); vrši poslove održavanja i korištenja voznog parka; vrši poslove pisarnice za potrebe jedinstvenog organa uprave u kojem djeluju gradske službe za upravu kao gradski organi uprave, a što uključuju poslove kancelarijskog i arhivskog poslovanja u skladu sa pozitivnim propisima; daje primjedbe, mišljenja, prijedloge i sugestije prilikom izrade akata koji se odnose na oblasti koja obuhvata djelokrug rada službe, a koje donose organi Kantona i Federacije, vrši i druge poslove iz oblasti za koje je osnovana, kao i poslove koje joj u zadatak stavi gradonačelnica.

## Član 4.

(Izmjena člana 6.)

Član 6. mijenja se i glasi:

"Gradska služba za lokalnu samoupravu vrši sljedeće poslove:

Prati stanje i pojave u oblasti donošenja i primjene propisa iz oblasti lokalne samouprave te s tim u vezi učestvuje u obezbjeđivanju saradnje Grada sa nadležnim organima općina koje čine Grad, ali i općina koje nisu u sastavu Grada, a imaju zajedničke interese lokalnog karaktera, te obezbjeđuje saradnju sa lokalnim vlastima u najboljem interesu lokalne samouprave u KS, FBiH i BiH; obavlja poslove saradnje sa ombudsmenima iz djelokruga rada Službe; stara se o zaštiti prava na lokalnu samoupravu Grada; poslovi na internoj edukaciji o značaju lokalne samouprave i Grada kao jedinice lokalne samouprave i glavnog grada BiH i FBiH; osigurava saradnju sa vjerskim zajednicama, nacionalnim manjinama, nevladinim organizacijama i udruženjima građana koja nisu iz nadležnosti druge gradske službe; predlaže aktivnosti i zalaže se za poštovanje rodne ravnopravnosti u gradu Sarajevu te vodi brigu o zaštiti ljudskih prava i osnovnih sloboda sa aspekta gradskih nadležnosti; osigurava sprovođenje neposrednog odlučivanje građana putem gradskog referenduma, stara se o realizaciji građanskih inicijativa iz djelokruga Službe; inicira i realizuje saradnju Grada sa asocijacijama, gradovima, vladinim i nevladinim organizacijama i stara se o izvršenju saradnje uspostavljene odgovarajućim aktima iz djelokruga rada Službe; predlaže i stara se o provođenju odluka o uspostavljanju statusa posebnog značaja za Grad Sarajevo za fondacije i udruženja koja su taj status stekla na prijedlog i iz nadležnosti Službe; vrši i druge poslove iz oblasti za koje je osnovana, kao i poslove koje joj u zadatak stavi gradonačelnica.

## Član 5.

(Dopuna člana)

Iza člana 13. Odluke dodaje se novi član 13a) koji glasi:

"Član 13a)

(Gradska služba za održivi razvoj)

Gradska služba za održivi razvoj vrši sljedeće poslove:

Prati stanje i primjenu propisa iz oblasti održivog razvoja; prati informacije u vezi dostupnih fondova i javnih poziva na koje Grad Sarajevo može aplicirati sa projektima iz oblasti

održivog razvoja; inicira i uspostavlja saradnju sa gradovima, općinama i drugim relevantnim institucijama i organizacijama iz BiH, regiona, Evrope i cijelog svijeta, sa ciljem zajedničkog definisanja projekata, obezbjeđivanja sredstava i implementacije projekata; inicira i uspostavlja saradnju sa četiri bitna stuba u društvu - javnim sektorom, civilnim društvom, privatnim sektorom i akademijom, a u cilju definisanja zajedničkih projekata i procesa koji podržavaju održivi razvoj; predlaže mjere za održivi razvoj Grada, radi na provođenju aktivnosti i apliciranju na relevantne fondove sa projektnim idejama koje doprinose razvoju Grada sa posebnim fokusom na održivi razvoj; implementira odobrene projekte, organizuje i učestvuje na relevantnim događajima iz oblasti održivog razvoja; odaziva se na pozive međunarodnih partnera za učešće u događajima, projektima i procesima iz oblasti održivog razvoja; učestvuje i inicira izradu relevantnih dokumenata iz oblasti održivog razvoja; u saradnji sa relevantnim gradskim službama detektuje prioritetne oblasti i projekte Grada Sarajeva te poduzima aktivnosti za obezbjeđivanje dodatnih sredstava za njihovu realizaciju; promoviše sve aktivnosti Grada Sarajeva iz oblasti održivog razvoja; vrši i druge poslove iz oblasti za koje je osnovana, kao i poslove koje joj u zadatak stavi gradonačelnica.

## Član 6.

(Brisanje stava)

U članu 22. Odluke stav (2) se briše.

## Član 7.

(Važenje osnovnog teksta Odluke)

U ostalom dijelu Odluka o organizaciji i djelokrugu organa uprave Grada Sarajeva ("Službene novine Kantona Sarajevo", broj 24/21), ostaje neizmijenjena.

## Član 8.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-GV-02-576/22  
04. aprila 2022. godine  
Sarajevo

Predsjedavajući  
Gradskog vijeća  
Jasmin Ademović, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 14. sjednici održanoj dana 04.04.2022. godine, donijelo je

## ODLUKU

O DOPUNAMA ODLUKE O PRIZNANJIMA I NAGRADI  
GRADA SARAJEVA

## Član 1.

(Predmet Odluke)

U Odluci o priznanjima i nagradi Grada Sarajeva ("Službene novine Kantona Sarajevo", broj 34/10 - Prečišćeni tekst, 14/14 i 11/20), u članu 3. stav 2. iza riječi "najviše dva puta", briše se tačka i dodaju riječi: "i Zahvalnice Grada Sarajeva, koja se može dodjeljivati bez ograničenja, uz obaveznu postupanja u skladu sa članom 9. ove odluke."

## Član 2.

(Važenje osnovnog teksta Odluke)

U ostalom dijelu Odluka o priznanjima i nagradi Grada Sarajeva ("Službene novine Kantona Sarajevo", broj 34/10 - Prečišćeni tekst, 14/14 i 11/20), ostaje neizmijenjena.

**ODLUKU  
O PRISTUPANJU PROJEKTU OBNOVE I ADAPTACIJE  
ZGRADE DPO****Član 1.**

(Pristupanje Projektu obnove)

Grad Sarajevo pristupa Projektu obnove i adaptacije zgrade DPO (u daljnjem tekstu: Projekat) definisane prema Ugovoru o prijenosu prava vlasništva i posjeda bez naknade, broj OPU-IP-670/2022 od 10.08.2022. godine.

**Član 2.**

(Zaduženja)

Gradsko vijeće Grada Sarajeva zadužuje gradonačelnicu Grada Sarajeva da za potrebe uspješne realizacije Projekata poduzima sve neophodne radnje, pribavi potrebnu projektnu dokumentaciju, te planira adekvatna namjenska finansijska sredstva u Budžetu Grada Sarajeva.

**Član 3.**

(Finansijska sredstva)

- (1) Finansijska sredstva za realizaciju Projekta Grad Sarajevo će obezbijediti u Budžetu Grada Sarajeva za 2023. godinu, kao i putem DOB-a.
- (2) Grad Sarajevo će tražiti mogućnost iznalaženja dodatnih izvora finansijskih sredstava u saradnji sa drugim nivoima vlasti, domaćim i međunarodnim subjektima.

**Član 4.**

(Stupanje na snagu)

Ova odluka stupa na snagu naredni dan od dana objave u "Službenim novinama Kantona Sarajevo".

Broj 01-GV-02-1465/22  
05. oktobra 2022. godine  
Sarajevo

Predsjedavajući  
Gradskog vijeća  
**Jasmin Ademović, s. r.**

Na osnovu člana 26. stav 1. tačka 2. i člana 74. stav 1. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 19. sjednici održanoj dana 05.10.2022. godine, donijelo je

**ODLUKU  
O STAVLJANJU VAN SNAGE ODLUKE O DODJELI U  
ZAKUP POSLOVNOG PROSTORA U ULICI DEJZINA  
BIKIĆA BROJ 4 ULAZ 3****Član 1.**

(Stavljanje van snage)

Stavlja se van snage Odluka o dodjeli u zakup poslovnog prostora u ulici Dejzina Bikića broj 4 ulaz 3 ("Službene novine Kantona Sarajevo", broj 41/21).

**Član 2.**

(Stupanje na snagu)

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-GV-02-1466/22  
05. oktobra 2022. godine  
Sarajevo

Predsjedavajući  
Gradskog vijeća  
**Jasmin Ademović, s. r.**

Na osnovu člana 50. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa Zakonom o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), te člana 26. stav 1. tačka 2. i 14. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 20. Odluke o organizaciji i djelokrugu organa uprave Grada Sarajeva ("Službene novine Kantona Sarajevo", br. 24/21 i 16/22), a u vezi sa Memorandumom o razumijevanju između Međunarodnog krivičnog suda za bivšu

Jugoslaviju i Grada Sarajeva za razvoj Informativnog centra Sarajevo ("Službene novine Kantona Sarajevo", br. 50/16 i 22/18), Gradsko vijeće Grada Sarajeva, na 19. sjednici održanoj dana 05.10.2022. godine, donijelo je

**ODLUKU  
O IZMJENAMA I DOPUNAMA ODLUKE O  
ORGANIZACIJI I DJELOKRUGU ORGANA UPRAVE  
GRADA SARAJEVA****Član 1.**

(Predmet)

Ovom odlukom vrše se izmjene i dopune Odluke o organizaciji i djelokrugu organa uprave Grada Sarajeva ("Službene novine Kantona Sarajevo", br. 24/21 i 16/22) (u daljnjem tekstu - Odluka).

**Član 2.**

(Izmjena člana 1.)

Mijenja se član 1. Odluke, i sada glasi:

**"Član 1.**

Ovom odlukom osnivaju se i organizuju organi uprave, kao jedinstveni gradski organ uprave u kojem djeluju gradske službe za upravu i upravne organizacije, kao gradski organi uprave (u daljnjem tekstu: Gradska uprava), utvrđuje njihov djelokrug, rukovođenje i uređuju druga pitanja od značaja za njihovo organizovanje i funkcionisanje."

**Član 3.**

(Izmjena člana 3.)

U članu 3. stav (2) Odluke tačka (e) se briše.

**Član 4.**

(Dodavanje novog člana 3a.)

Iza člana 3. Odluke dodaje se novi član 3a. koji glasi:

**"Član 3a.**

(Gradska upravna organizacija)

Za obavljanje stručnih poslova koji pretežno zahtijevaju primjenu stručnih i naučnih metoda i sa njima povezanih upravnih poslova, osniva se gradska upravna organizacija u sastavu organa uprave - Informativni centar Sarajevo (u daljnjem tekstu: Centar)".

**Član 5.**

(Brisanje člana)

Član 9. Odluke se briše.

**Član 6.**

(Dodavanje novog Odjeljka C i novog člana 13b.)

Iza člana 13a. Odluke dodaje se novi Odjeljak C i novi član 13b. koji glase:

**"Odjeljak C - djelokrug gradske upravne organizacije.**

**"Član 13b.**

(Informativni centar Sarajevo)

Informativni centar Sarajevo vrši sljedeće poslove:

Predlaže i priprema propise i druge akte iz nadležnosti gradske upravne organizacije koje donosi Gradsko vijeće i gradonačelnica; prati stanje zakonske regulative u oblasti za koju je osnovana; stara se o provedbi Memoranduma o razumijevanju potpisanog između Međunarodnog krivičnog suda za bivšu Jugoslaviju i Grada Sarajeva u cijelosti; informiše javnost o pitanjima ratnih zločina, uspostavlja snažne outreach komponente, uključujući: komponentu tranzicione pravde i suočavanja s prošlošću organizovanjem raznih informativnih i edukativnih javnih događaja; komponentu podrške pravnim profesionalcima i grupama civilnog društva koji se bave ratnim zločinima pred domaćim sudovima u Bosni i Hercegovini; izložbenu komponentu - prikaz rada Međunarodnog rezidualnog mehanizma Ujedinjenih nacija za krivične sudove (u daljnjem tekstu: Mehanizam) i sudova u Bosni i Hercegovini na donošenju presuda u predmetima ratnih zločina; osigurava obavljanje

naučno-istraživačke djelatnosti na osnovu baze podataka i arhivskog materijala kojima raspolaže, organizuje naučne skupove s ciljem prezentacije naučno-istraživačkih radova iz djelokruga rada Centra, pruža javnosti ažuriran, direktan i bezbjedan elektronski pristup svim javno dostupnim spisima Mehanizma, kao i pristup arhivskom materijalu sadržanom u online bazama; provodi aktivnosti na organizaciji konferencija, kolokvija i radionica za kreativni dijalog u vezi za temama iz djelokruga Centra; saraduje sa Savjetom za Informativni centar Sarajevo kojeg je imenovala gradonačelnica o svim pitanjima iz nadležnosti Savjeta reguliranim Memorandumom o razumijevanju; izrađuje propise i druge odluke iz svoje nadležnosti; saraduje sa sredstvima informisanja po svim pitanjima aktivnosti Informativnog centra; priprema i organizuje poslove vezane za uključivanje Grada u dostupne programe tehničko-finansijske pomoći, u saradnji sa specijalistima Mehanizma i arhivskom materijalu sadržanom u online bazama podataka Mehanizma; obezbjeđuje održavanje i nesmetano funkcionisanje sistema; provodi potrebne aktivnosti u vezi sa održavanjem ispravnosti i funkcionisanjem instalirane računarske, programske, komunikacione i druge prateće opreme i Informativnom centru; pruža stručno-tehničku pomoć korisnicima baze podataka; obezbjeđuje efikasno rješavanje softverskih i mrežnih problema Centra; stara se o održavanju web stranice Centra; daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada Centra, a koje donose organi Kantona Sarajevo i Federacije BiH; vrši i druge poslove za koje je osnovan, kao i poslove koje mu u zadatak stavi gradonačelnica."

Član 6.

(Dopuna člana 6.)

U članu 16. Odluke, iza riječi "gradskim službama za upravu", dodaju se riječi "i gradskom upravnom organizacijom".

Član 7.

(Dodavanje novog člana 19a.)

Iza člana 19. dodaje se novi član 19a. koji glasi:

"Gradskom upravnom organizacijom neposredno rukovodi direktor, u skladu sa zakonom, ovom odlukom, drugim propisima i Pravilnikom o unutrašnjoj organizaciji".

Član 8.

(Izmjena i dopuna člana 21.)

U članu 21. iza stava (2) dodaju se novi stav (3) i stav (4) koji glase:

"(3) Dio Pravilnika koji se odnosi na gradsku upravnu organizaciju - Informativni centar Sarajevo, bit će sastavni dio Pravilnika o unutrašnjoj organizaciji.

(4) Stupanjem na snagu Pravilnika iz stava (3) ovog člana Odluke, upravna organizacija preuzet će sredstva i opremu Gradske službe za poslove Informacionog centra, a radno-pravni status državnih službenika i namještenika ove gradske službe bit će riješen u skladu sa zakonom i drugim propisima".

Član 9.

(Važenje osnovnog teksta Odluke)

Odluka o organizaciji i djelokrugu organa uprave Grada Sarajeva ("Službene novine Kantona Sarajevo", br. 24/21 i 16/22), u ostalom dijelu ostaje neizmijenjena.

Član 10.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1467/22  
05. oktobra 2022. godine  
Sarajevo

Predsjedavajući  
Gradskog vijeća  
Jasmin Ademović, s. r.

Gradonačelnik

Na osnovu člana 10. stav 1. i 2. Odluke o izvršavanju Budžeta Grada Sarajeva za 2022. godinu ("Službene novine Kantona Sarajevo", broj 02/22), gradonačelnica donosi

ODLUKU

O PRERASPODJELI SREDSTAVA U BUDŽETU GRADA SARAJEVA ZA 2022. GODINU

1. Odobrava se preraspodjela sredstava u Budžetu Grada Sarajeva za 2022. godinu ("Službene novine Kantona Sarajevo", broj 02/22) u ukupnom iznosu od 119.000,00 KM, kako slijedi:

Potrošačka jedinica	Ekonom. kod	OPIS	Iznos
<b>sa ekonomskih kodova</b>			
10010002	6139	Sufinansiranje projekata koji se finansiraju iz međunarodnih fondova	48.000,00
10010006	6151	Revitalizacija Bob staze Trebević	24.000,00
10010006	6144	Zgrada željezničke stanice Bistrik u Sarajevu (Održavanje objekta preko JP Sarajevo)	12.000,00
10010007	6139	Kulturna manifestacija "Dani kulture Sarajeva u bratskim gradovima"	35.000,00
		<b>Ukupno</b>	<b>119.000,00</b>
<b>na ekonomske kodove</b>			
10010004	8213	Kupovina (otkup) parne lokomotive za potrebe Bistričke stanice	48.000,00
10010006	6151	Projekat rekonstrukcije, restauracije i kolorističko obrade fasada u GS	24.000,00
10010006	6151	Zaštita, konzervacija, prezentacija i rehabilitacija Historijske građevine-Zgrada željezničke stanice Bistrik u Sarajevu	12.000,00
10010007	6143	Streljači klub osoba sa invaliditetom Novi Grad Sarajevo	5.000,00
10010001	6131	Putni troškovi	30.000,00
		<b>Ukupno</b>	<b>119.000,00</b>

2. Za realizaciju ove odluke zadužuju Gradska služba za opću upravu i zajedničke poslove, Gradska služba za lokalnu samoupravu i razvoj grada, Gradska služba za lokalno poslovanje, Gradska služba za urbano planiranje, investicije, stambene i komunalne poslove, Gradska služba za obrazovanje, sport, kulturu i mlade i Gradska služba za finansije.
3. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/13-11-6582-6/22  
30. septembra 2022. godine  
Sarajevo

Gradonačelnica  
Grada Sarajeva  
Doc. dr. Benjamina Karić, s. r.

Na osnovu člana 8. i člana 26. Odluke o izvršavanju Budžeta Grada Sarajeva za 2022. godinu ("Službene novine Kantona Sarajevo", broj 2/22), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

ODLUKU

O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA GRADA SARAJEVO ZA 2022. GODINU

I

Iz Tekuće rezerve Budžeta Grada Sarajeva za 2022. godinu ("Službene novine Kantona Sarajevo", broj 2/22) sa ekonomskog koda 600000 odobrava se izdvajanje sredstava u ukupnom iznosu od 200,00 KM, na poziciju:

821 300 Nabavka opreme  
(Kupovina lokomotive za potrebe Bistričke stanice) u iznosu od 100,00 KM i  
614 300 Tekući transferi neprofitnim organizacijama



**Ministarstvo za odgoj i obrazovanje  
Kantona Sarajevo**

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 88. stav (6) Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19, 34/20 i 33/21) i člana 16. stav (6) Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Službene novine Kantona Sarajevo", br. 36/20, 49/20 i 32/21), nakon prethodno pribavljene saglasnosti Samostalnog sindikata osnovnog obrazovanja i odgoja Federacije Bosne i Hercegovine - Kantonalni odbor Kantona Sarajevo, ministrica za odgoj i obrazovanje Kantona Sarajevo, uz prethodnu saglasnost Vlade Kantona Sarajevo, donosi

**PRAVILNIK  
O IZMJENAMA PRAVILNIKA S KRITERIJIMA ZA  
PRIJEM RADNIKA U RADNI ODNOS U OSNOVNIM  
ŠKOLAMA KAO JAVNIM USTANOVAMA NA  
PODRUČJU KANTONA SARAJEVO****Član 1.**

(Izmjena člana 9.)

U Pravilniku s kriterijima za prijem radnika u radni odnos u osnovnim školama kao javnim ustanovama na području Kantona Sarajevo ("Službene novine Kantona Sarajevo", broj 12/22) u članu 9. stav (9) riječi: "pri čemu kandidat ima obavezu da priloži uvjerenje sa šifrom zanimanja" se brišu.

**Član 2.**

(Izmjena člana 16.)

U članu 16. stav (2) tačka a) mijenja se i glasi:

"a) uvjerenje o radnom stažu sa tačno naznačenim poslovima i radnim zadacima (šifra zanimanja) koje izdaje fond za penzijsko-invalidsko osiguranje;"

**Član 3.**

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-05/02-02-27979-29

18. maja 2022. godine

Sarajevo

Ministrica

Naida Hota-Muminović, s. r.

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 123. stav (7) Zakona o srednjem obrazovanju ("Službene novine Kantona Sarajevo", br. 23/17, 30/19 i 33/21) i člana 16. stav (6) Kolektivnog ugovora za djelatnost srednjeg obrazovanja u Kantonu Sarajevo ("Službene novine Kantona Sarajevo", broj 4/21), nakon prethodno pribavljene saglasnosti Sindikata srednjeg i visokog obrazovanja, odgoja nauke i kulture Bosne i Hercegovine - Kantonalni odbor Kantona Sarajevo, ministrica za odgoj i obrazovanje Kantona Sarajevo, uz prethodnu saglasnost Vlade Kantona Sarajevo, donosi

**PRAVILNIK****O IZMJENAMA PRAVILNIKA S KRITERIJIMA ZA  
PRIJEM RADNIKA U RADNI ODNOS U SREDNJIM  
ŠKOLAMA KAO JAVNIM USTANOVAMA NA  
PODRUČJU KANTONA SARAJEVO****Član 1.**

(Izmjena člana 9.)

U Pravilniku s kriterijima za prijem radnika u radni odnos u srednjim školama kao javnim ustanovama na području Kantona Sarajevo ("Službene novine Kantona Sarajevo", broj 12/22) u članu 9. stav (9) riječi: "pri čemu kandidat ima obavezu da priloži uvjerenje sa šifrom zanimanja" se brišu.

**Član 2.**

(Izmjena člana 17.)

U članu 17. stav (2) tačka a) mijenja se i glasi:

"a) uvjerenje o radnom stažu sa tačno naznačenim poslovima i radnim zadacima (šifra zanimanja) koje izdaje fond za penzijsko-invalidsko osiguranje;"

**Član 3.**

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-05/02-02-27979-30

18. maja 2022. godine

Sarajevo

Ministrica

Naida Hota-Muminović, s. r.

**GRAD SARAJEVO****Gradonačelnik**

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 54. stav 1. i 2. tačka 3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 11. Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), te odredbe člana 50. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), gradonačelnica Grada Sarajeva donosi

**ODLUKU****O OSNIVANJU STRUČNIH SLUŽBI  
GRADONAČELNICE GRADA SARAJEVA****DIO PRVI – OSNOVNE ODREDBE****Član 1.**

(Osnivanje stručnih službi)

Ovom Odlukom osnivaju se stručne službe gradonačelnice Grada Sarajeva (u daljnjem tekstu: Stručne službe), utvrđuje djelokrug rada, organizacija, rukovođenje, odgovornost, kao i druga pitanja od značaja za funkcionisanje i rad stručnih službi.

**Član 2.**

(Djelokrug stručnih službi)

- (1) Stručne službe osnivaju se radi obavljanja određenih stručnih, administrativno-tehničkih i drugih poslova utvrđenih ovom odlukom za potrebe kabineta gradonačelnice Grada Sarajeva i zamjenika gradonačelnice Grada Sarajeva (u daljnjem tekstu: kabineta gradonačelnice i zamjenika gradonačelnice), Gradskog vijeća Grada Sarajeva (u daljnjem tekstu: Gradskog vijeća) i gradskih službi organa uprave.

- (2) Stručne službe, pored poslova iz djelokruga utvrđenih ovom odlukom, obavljaju i druge poslove utvrđene zakonom i drugim propisima.

#### **DIO DRUGI – STRUČNE SLUŽBE GRADONAČELNICE GRADA SARAJEVA**

##### **Član 3.**

##### **(Stručne službe)**

Za vršenje stručnih i drugih poslova iz člana 2. ove odluke, osnivaju se sljedeće stručne službe:

- a) Stručna služba za poslove kabineta i poslove Gradske uprave
- b) Stručna služba za protokolarnе poslove, odnose s javnošću i međunarodnu saradnju
- c) Stručna služba za poslove Gradskog vijeća Grada Sarajeva

##### **Član 4.**

##### **(Načela organizacije)**

Stručne službe osnivaju se na način koji osigurava potpuno, efikasno i racionalno obavljanje svih stručnih i drugih poslova iz okvira lokalne samouprave grada i efikasno ostvarivanje prava i izvršavanje obaveza građana i pravnih lica.

#### **DIO TREĆI – DJELOKRUG RADA STRUČNIH SLUŽBI**

##### **Član 5.**

##### **(Djelokrug rada Stručne službe za poslove kabineta i poslove Gradske uprave)**

Stručna služba za poslove kabineta i poslove Gradske uprave vrši poslove:

Preuzimanje i zavođenje pošte upućene gradonačelnici i zamjenicima gradonačelnice, kao i poslove pripreme materijala, prijedloga i mišljenja u vezi sa neposrednim aktivnostima gradonačelnice i zamjenika gradonačelnice; izrade dopisa, zahtjeva, mišljenja, obraćanja i drugih pisanih materijala za potrebe gradonačelnice i zamjenika gradonačelnice; normativno-pravne, stručne i administrativne poslove u pripremi nacrti i prijedloga propisa i drugih akata iz nadležnosti gradonačelnice za koje nije utvrđena nadležnost drugih gradskih službi; davanje mišljenja na akte i odluke koje pripremaju gradske službe, kao i pregled i kontrola materijala, odnosno izrađenih nacrti/prijedloga akata, izvještaja, i drugih sličnih materijala upućenih Gradskom vijeću u vezi sa kojima saglasnost daje gradonačelnica, odnosno koji su predloženi gradonačelnici na razmatranje i odlučivanje; saradnje sa Stručnom službom za poslove Gradskog vijeća u pripremi materijala za sjednice Gradskog vijeća i neposredni poslovi na pripremi sjednica Gradskog vijeća; blagovremeno lektorisanje (popravljanje pravopisnih, slovničkih i stilskih grešaka) svih materijala za potrebe sjednica Gradskog vijeća, kao i općih i pojedinačnih akata za interne i eksterne potrebe; staranje o evidenciji i realizaciji inicijativa i zaključaka Gradskog vijeća koji se odnose na Gradsku upravu; organizovanje i pripremanje materijala za rad Kolegija gradonačelnice, Gradskog savjeta i drugih radnih tijela gradonačelnice, kao i vođenje i sačinjavanje zapisnika sa sjednica Kolegija gradonačelnice, Gradskog savjeta i drugih radnih tijela gradonačelnice i izradu usvojenih zaključaka sa Kolegija gradonačelnice i Gradskog savjeta u pisanoj formi, njihovu distribuciju nadležnim službama i odjeljenjima; praćenja pravovremenog postupanja i provođenja zaključaka i izvještavanje o provođenju zaključaka; izrade godišnjeg Programa rada gradonačelnice u saradnji sa ostalim službama; staranje o pravovremenom planiranju i provođenju

javnih nabavki iz svoje oblasti; obavljanje poslova javnih nabavki u svim fazama, a što uključuje poslove izrade provedbenih propisa i pojedinačnih akata iz nadležnosti gradonačelnice; izrada potrebnih akata u skladu sa Zakonom o javnim nabavkama u Bosni i Hercegovini, kao što su: izrada prijedloga godišnjeg plana javnih nabavki, vođenje evidencije i sačinjavanje izvještaja o pokrenutim i provedenim postupcima javnih nabavki, sačinjavanje, odnosno izradu nacrti pojedinačnih akata iz oblasti javnih nabavki; saradnje sa organima i tijelima sa kojima je, za potrebe obavljanja poslova javnih nabavki, potrebna saradnja: osiguravanje informatičko-tehničkih uslova za rad uposlenih u organima uprave Grada Sarajeva; sačinjavanja plana ekonomske iskoristivosti računarske, programske, komunikacione i druge prateće opreme (serveri, PC, softverske aplikacije, štampači, skeneri, memorijski uređaji i sl.), kao i sačinjavanje plana unaprjeđenja informacionih i komunikacionih tehnologija za potrebe službi i učestvovanje u realizaciji, planiranju i predlaganju nabavke nove opreme, tehnologija, sredstava za rad, za potrebe realizacije svih poslova iz djelokruga organa uprave; učestvovanje u poslovima organa uprave Grada Sarajeva u organizaciji i suorganizaciji javnih manifestacija; poslove video kontrole pristupa objektima putem videonadzora; iniciranje i priprema donošenja propisa i usklađivanje postojećih sa propisima više pravne snage iz nadležnosti službe; redovno izvještavanje o aktivnostima iz djelokruga rada službe; planiranje budžeta za efikasno obavljanje poslova službe i utvrđivanje dinamike realizacije i praćenje izvršenja; obavljanje svih ostalih pratećih poslova kao i svih drugih poslova koje odredi gradonačelnica.

##### **Član 6.**

(Djelokrug rada Stručne službe za protokolarnе poslove, odnose s javnošću i međunarodnu saradnju)

Stručna služba za protokolarnе poslove, odnose s javnošću i međunarodnu saradnju:

Organizovanje prijema i boravka službenih delegacija u prostorijama Grada; priprema i organizacija sastanaka i prijema kod gradonačelnice i zamjenika gradonačelnice; koordiniranje poslova oko prijema građana kod gradonačelnice i zamjenika gradonačelnice, a po ovlaštenju gradonačelnice i rukovodioca stručne službe; organizovanje prijema građana po njihovom izričitom zahtjevu, osiguravanje smještaja i boravka gostiju Grada Sarajeva koji dolaze iz inostranstva i drugih dijelova BiH; tehnička realizacija službenih putovanja za gradonačelnicu, zamjenike gradonačelnice i predstavnike Grada Sarajeva; organizovanje održavanja manifestacija političkog, privrednog, kulturnog i sportskog života, kao i organizovanje komemoracija, sahrana, proglašavanje žalosti; vođenje uredne evidencije o svim značajnim datumima za Grad Sarajevo, Kanton Sarajevo i državu BiH, vjerskim i drugim praznicima, kao i staranje o pravovremenom obilježavanju i čestitanju svih navedenih datuma i praznika; ažuriranje spiskova zvanica za određene događaje i vršenje pozivanja; uručivanje odlikovanja i priznanja; osmišljavanje izgleda i dizajna poklona i čestitki, zahvalnica i drugih nagrada i priznanja Grada Sarajeva, njihova nabavka, čuvanje i zavođenje u evidenciju; sačinjavanje i upućivanje pisama sućuti, čestitki i drugih prigodnih javnih obraćanja; saradnja sa medijima i poslovi na medijskom predstavljanju rada gradonačelnice Grada Sarajeva; organizacija konferencija za štampu; vođenje i ažuriranje službene web stranice Grada Sarajeva; planiranje i odgovorno

upravljanje sredstvima interne i eksterne reprezentacije, provođenje procedure primanja i davanja poklona, određivanje vrijednosti poklona i procjena njegove dozvoljene vrijednosti, vođenje evidencije o primljenim i uručenim poklonima, čestitkama, zahvalnicama i drugim nagradama i priznanjima i njihovo adekvatno pohranjivanje i čuvanje; saradivanje sa protokolima drugih nivoa vlasti, a u koordinaciji sa nadležnom službom i sa protokolima stranih gradova i država; poslovi pripremanja materijala za provođenje politike Gradskog vijeća u oblasti međunarodne saradnje, izvještavanje o provođenju politike Gradskog vijeća iz oblasti djelokruga službe; iniciranje i realizovanje saradnje Grada Sarajeva sa međunarodnim asocijacijama i gradovima; pripremanje materijala neophodnih za bilateralnu i multilateralnu saradnju Grada sa međunarodnim institucijama, stranim vladinim i nevladinim organizacijama, kao i predlaganje materijala i procedura u oblasti međunarodne saradnje prema Gradskom vijeću i staranje o realizaciji akata iz oblasti međunarodne saradnje koje je donijelo Gradsko vijeće; davanje preporuka iz oblasti međunarodne saradnje, bilježenje i staranje o pravovremenom izvršavanju zaključaka iz oblasti međunarodne saradnje, kao i organizovanje međunarodnih skupova čiji je domaćin Grad Sarajevo i posjeta iz domena međunarodne saradnje, kao i korespondenciju sa organizatorima vezano za detalje posjete i pravovremeno dostavljanje informacija i programa posjete gostima kada je Grad domaćin; obrada zahtjeva koji su potrebni za pripremu jednog službenog putovanja, kao što su trajanje službenog putovanja, visina akontacije, način prijevoza, smještaj, te program putovanja i boravka, kao i sačinjavanje tipske odluke za službeno putovanje i poslovi u vezi sa rezervacijom smještaja i avio karte, te tako pripremljenu dokumentaciju o službenom putovanju dostaviti na potpis, izvršavanje odgovarajuće pripreme službenog putovanja (program putovanja i boravka, rezervacija karata i sl.), kao i plaćanje putničkog zdravstvenog osiguranja za putovanja u inostranstvo; upućivanje službi Grada Sarajeva na saradnju sa međunarodnim partnerima, koordiniranje saradnje između gradskih privrednih, kulturnih, sportskih i drugih subjekata sa inostranim partnerima, saradnja sa domaćim i stranim institucijama i organizacijama, a naročito sa Ministarstvom inostranih poslova BiH, Predsjedništvom BiH i Direkcijom za evropske integracije BiH; izrada godišnjeg Programa rada gradonačelnice u saradnji sa ostalim službama; planiranje budžeta za efikasno obavljanje poslova Službe, utvrđivanje dinamike realizacije i praćenje izvršenja, staranje o pravovremenom planiranju i provođenju javnih nabavki iz svoje oblasti, redovno izvještavanje o aktivnostima iz djelokruga svoga rada Službe, sačinjavanje izvještaja i informacija za potrebe Gradskog vijeća i gradonačelnice iz nadležnosti Službe; obavljanje svih ostalih pratećih poslova kao i svih drugih poslova koje odredi gradonačelnica.

#### Član 7.

(Djelokrug rada Stručne službe za poslove Gradskog vijeća Grada Sarajeva)

Stručna služba za poslove Gradskog vijeća Grada Sarajeva vrši poslove:

Priprema Programa rada Gradskog vijeća, kao i praćenje njegovog izvršavanja i poslovi na pripremi izvještaja o radu Gradskog vijeća; osiguranje potrebnih uslova za rad Gradskog vijeća, radnih tijela Gradskog vijeća i rukovodstva Gradskog vijeća, kao i poslovi na pripremanju, sazivanju i realizaciji

Kolegija Gradskog vijeća, sjednica Gradskog vijeća i radnih tijela Gradskog vijeća; saradnja sa gradskim službama za upravu i Stručnom službom gradonačelnice u pripremi sjednica Gradskog vijeća, kao i vršenje poslova koordinacije sa navedenom Službama; uređivanje tonskih zapisa sjednica, izrade zapisnika sa sjednica, kao i praćenje realizacije odluka i zaključaka Gradskog vijeća i radnih tijela Gradskog vijeća; pripremanje i realizacija konsultativnih sastanaka klubova gradskih vijećnika i političkih stranaka koje participiraju u radu Gradskog vijeća; pripremanje, izrada i nomotehnička obrada tekstova nacrti i prijedloga akata, izvještaja, mišljenja i zapisnika, kao i drugih analitičkih, informacionih i dokumentacionih materijala na zahtjev ili za potrebe Gradskog vijeća, radnih tijela Gradskog vijeća i gradskih vijećnika; vođenje evidencija, izrada stručnih analiza, priprema izvještaja i informacija za potrebe Gradskog vijeća; pružanje stručne i druge pomoći klubovima vijećnika i vijećnicima u ostvarivanju njihovih prava i dužnosti; stvaranje uslova za koordinaciju rada gradonačelnika i Gradskog vijeća; praćenje i izvršavanje zadataka i poslova koji za Stručnu službu proizlaze iz zaključaka Gradskog vijeća i radnih tijela Gradskog vijeća; blagovremeno dostavljanje vijećničkih pitanja i inicijativa nadležnim organima i službama; pružanje pomoći vijećnicima u pogledu pribavljanja dodatnih pojašnjenja od obrađivača materijala koji se razmatraju na sjednicama Gradskog vijeća i njegovih radnih tijela; informisanje javnosti o radu Gradskog vijeća i radnih tijela Gradskog vijeća, te o radu predsjedavajućeg i zamjenika predsjedavajućeg Gradskog vijeća; pružanje potrebnih i odgovarajućih informacija za potrebe postupaka koji se vode kod nadležne službe u skladu sa Zakonom o slobodi pristupa informacijama i drugim podzakonskim aktima; osiguravanje dokumentacionih i drugih materijala i podataka, kao i vođenje evidencija i čuvanja originala propisa i drugih akata Gradskog vijeća i radnih tijela Gradskog vijeća; priprema, osiguravanje lektorske obrade i upućivanje na objavu akata Gradskog vijeća u službena glasila, odnosno na službenu Internet stranicu Gradskog vijeća; upravljanje službenom internetskom stranicom Gradskog vijeća; osiguranje audio-vizualnog snimanja sjednica Gradskog vijeća i radnih tijela Gradskog vijeća; obavljanje administrativnih, odnosno osiguranje obavljanja administrativnih i operativno-tehničkih poslova, poslova arhiviranja i kancelarijskih poslova za potrebe Gradskog vijeća, radnih tijela Gradskog vijeća, predsjedavajućeg i zamjenika predsjedavajućeg Gradskog vijeća i Stručne službe; pripremanje plana potrebnih finansijskih sredstava za rad i funkcionisanje Gradskog vijeća, uključujući i sredstva za rad Službe; obavljanje svih ostalih pratećih poslova kao i svih drugih poslova u skladu sa zakonom i drugim propisima; organizacija rada Kabineta predsjedavajućeg i zamjenika predsjedavajućeg Gradskog vijeća; rukovanje poštom, pripremanje korespondencije u zemlji i inostranstvu, materijala i akata po nalogu predsjedavajućeg i zamjenika predsjedavajućeg Gradskog vijeća i procjene izvršavanja istih; priprema predsjedavajućeg, odnosno zamjenika predsjedavajućeg Gradskog vijeća za održavanje sjednica kojima predsjedava predsjedavajući Gradskog vijeća, kao i za druge javne istupe predsjedavajućeg, odnosno zamjenike predsjedavajućeg Gradskog vijeća, u kojima učestvuje Grad Sarajevo; osiguranje informacija i dokumentacije od značaja za rad predsjedavajućeg i zamjenika predsjedavajućeg Gradskog

vijeća; koordinacija protokolarnih poslova za potrebe predsjedavajućeg i zamjenika predsjedavajućeg Gradskog vijeća, odnosno gradskih vijećnika sa službom koja vrši poslove protokola u Gradu Sarajevu, a s ciljem osiguranja prisustva gradskih vijećnika na propisanim i drugim protokolarnim događajima u organizaciji Grada Sarajeva, odnosno onima u kojima učestvuje Grad Sarajevo; koordinacija poslova s ciljem osiguranja potrebnih uslova za službena putovanja u zemlji i inostranstvu predsjedavajućeg i zamjenika predsjedavajućeg Gradskog vijeća, odnosno gradskih vijećnika sa nadležnim službama Grada Sarajeva; koordinacija vršenja poslova međunarodne saradnje za potrebe predsjedavajućeg i zamjenika predsjedavajućeg Gradskog vijeća, odnosno gradskih vijećnika sa službom koja vrši poslove međunarodne saradnje u Gradu Sarajevu, a s ciljem osiguranja prisustva gradskih vijećnika na propisanim i drugim događajima u oblasti međunarodne saradnje, u organizaciji Grada Sarajeva, odnosno onima u kojima učestvuje Grad Sarajevo, uključujući i osiguranje prevodilačkih usluga za događaje međunarodne bilateralne i multilateralne saradnje; koordinacija vršenja poslova komunikacija s javnošću, uključujući i medije javnog informisanja, za potrebe predsjedavajućeg i zamjenika predsjedavajućeg Gradskog vijeća sa Službom za stručne poslove, odnosno drugim nadležnim službama Grada Sarajeva; obavljanje svih ostalih pratećih poslova, kao i svih drugih poslova koje odredi gradonačelnica i predsjedavajući Gradskog vijeća.

#### DIO ČETVRTI – RUKOVOĐENJE I SARADNJA U VRŠENJU POSLOVA I RADNIH ZADATAKA

##### Član 8.

(Rukovođenje Stručnim službama)

- (1) Stručnim službama neposredno rukovodi rukovodilac Stručne službe.
- (2) Rukovodilac Stručne službe za svoj rad i upravljanje odgovara gradonačelnici.
- (3) U slučaju spriječenosti ili odsutnosti rukovodioca Stručne službe, u poslovima rukovođenja Stručnom službom, zamjenjuje ga državni službenik kojeg on odredi uz saglasnost gradonačelnice, odnosno kojeg odredi rukovodilac Stručne službe za poslove Gradskog vijeća Grada Sarajeva uz prethodno obavljene konsultacije sa predsjedavajućim Gradskog vijeća i pisanu saglasnost gradonačelnice.

##### Član 9.

(Način ostvarivanja saradnje)

- (1) U izvršavanju poslova iz djelokruga Stručnih službi ostvaruje se saradnja, i to:
  - a) međusobna saradnja između stručnih službi, gradskih službi za upravu, koju osiguravaju rukovodioci koji rukovode Stručnim službama, kao i rukovodioci utvrđeni Odlukom o organizaciji i djelokrugu organa uprave Grada Sarajeva.
  - b) saradnja sa drugim organima zakonodavne, izvršne i sudske vlasti svih nivoa, a naročito saradnja sa općinama koje ulaze u sastav Grada Sarajeva i šire, saradnja sa nevladinim organizacijama, kao i ostalim subjektima javnog i privatnog sektora sa prevashodnim ciljem provođenja programa rada, izvršavanja poslova i radnih zadataka, osiguranja pravilne primjene zakona i drugih propisa, kao i izvršavanja zadataka koji su od zajedničkog interesa.

- (2) Saradnju iz alineje 1. i 2. stava 1. ovog člana Odluke osiguravaju rukovodioci Stručnih službi.

#### DIO PETI – OBAVLJANJE ZAJEDNIČKIH POSLOVA I UNUTRAŠNJA ORGANIZACIJA STRUČNIH SLUŽBI

##### Član 10.

(Obavljanje zajedničkih poslova za potrebe stručnih službi)

Zajedničke poslove kao što su poslovi finansija, javnih nabavki, protokola, međunarodne saradnje, radnih odnosa, funkcija i održavanje informacionih tehnologija, održavanja prostorija, opreme i vozila, i drugih sličnih poslova, za potrebe stručnih službi vršit će nadležne Gradske službe.

##### Član 11.

(Unutrašnja organizacija stručnih službi)

- (1) Unutrašnja organizacija Stručnih službi utvrđuje se Pravilnikom o unutrašnjoj organizaciji i sistematizaciji radnih mjesta Stručnih službi gradonačelnice Grada Sarajeva.
- (2) Pravilnik o unutrašnjoj organizaciji Stručnih službi gradonačelnice Grada Sarajeva donosi gradonačelnica u roku od 7 dana od dana stupanja na snagu ove Odluke.
- (3) Pravilnik o unutrašnjoj organizaciji iz stava 1. ovog člana Odluke donosi gradonačelnica uz prethodno obavljene konsultacije sa predsjedavajućim Gradskog vijeća u dijelu koji se odnosi na Stručnu službu za poslove Gradskog vijeća Grada Sarajeva, u roku od 7 dana od dana stupanja na snagu ove Odluke, a nakon pribavljenog mišljenja Sindikalne organizacije.

#### DIO ŠESTI – PRELAZNE I ZAVRŠNE ODREDBE

##### Član 12.

(Sredstva za rad stručnih službi)

Sredstva potrebna za rad Stručnih službi obezbjeđuju se u budžetu Grada Sarajeva.

##### Član 13.

(Rodna ravnopravnost)

Odredbe ove Odluke odnose se podjednako na lica muškog i ženskog spola, bez obzira na rod imenice upotrijebljen u tekstu Odluke.

##### Član 14.

(Način donošenja izmjena i dopuna)

Izmjene i dopune Odluke vrše se na način i po postupku za njeno donošenje.

##### Član 15.

(Prestanak primjene odredbi dosadašnjih propisa)

Danom stupanja na snagu ove Odluke prestaje primjena Uredbe o osnivanju stručne službe gradonačelnice Grada Sarajeva ("Službene novine Kantona Sarajevo", 30/21) i Uredbe o osnivanju Stručne službe za poslove Gradskog vijeća Grada Sarajeva ("Službene novine Kantona Sarajevo", br. 30/21 i 37/21 - Ispravka).

##### Član 16.

(Stupanje na snagu Odluke)

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/13-02-4211/22

23. maja 2022. godine  
Sarajevo

Gradonačelnica  
Doc. dr. **Benjamina Karić**, s. r.

**USTAVNI SUD FEDERACIJE  
BOSNE I HERCEGOVINE****1937**

Ustavni sud Federacije Bosne i Hercegovine, odlučujući o zahtjevu načelnika opština: Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo, za zaštitu prava na lokalnu samoupravu u vezi sa primjenom člana 49. stav 4. i člana 52. stav 1. tačka 3. Zakona o organizaciji organa uprave u Federaciji Bosne i Hercegovine, na osnovu člana IV.C.3.10.(3) Ustava Federacije Bosne i Hercegovine, a u vezi sa Amandmanom XCVI na Ustav Federacije Bosne i Hercegovine, na sjednici bez javne rasprave održanoj dana 12.10.2022. godine, donio je sljedeću

**PRESUDU**

Utvrđuje se da članom 49. stav 4. i članom 52. stav 1. tačka 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), nije povrijeđeno pravo na lokalnu samoupravu opština: Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo.

Presudu objaviti u "Službenim novinama Federacije BiH" i "Službenim novinama Kantona Sarajevo".

**Obrazloženje****1. Podnosioci zahtjeva i predmet zahtjeva**

Načelnici opština: Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo (u daljem tekstu: podnosioci zahtjeva) dana 11.03.2022. godine, podnijeli su Ustavnom sudu Federacije Bosne i Hercegovine (u daljem tekstu: Ustavni sud Federacije) zahtjev za zaštitu prava na lokalnu samoupravu u vezi sa primjenom člana 49. stav 4. i člana 52. stav 1. tačka 3. Zakona o organizaciji organa uprave u Federaciji Bosne i Hercegovine (u daljem tekstu: osporene odredbe Zakona).

U skladu sa Amandmanom XCVI na Ustav Federacije Bosne i Hercegovine, podnosioci zahtjeva su ovlašteni za pokretanje postupka za zaštitu prava na lokalnu samoupravu pred Ustavnim sudom Federacije.

**2. Stranke u postupku**

Stranke u postupku u ovom ustavnosudskom predmetu na osnovu Amandmana XCVI na Ustav Federacije Bosne i Hercegovine su: podnosioci zahtjeva i Parlament Federacije Bosne i Hercegovine, kao donosilac Zakona čije odredbe se osporavaju.

**3. Bitni navodi zahtjeva**

Podnosioci zahtjeva u uvodnom dijelu svog zahtjeva navode da je članom 58. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09, u daljem tekstu: Zakon o principima lokalne samouprave) utvrđena obaveza Federacije Bosne i Hercegovine i kantona da usklade svoje zakone sa spomenutim Zakonom, izvrše prijenos poslova i nadležnosti, kao i odgovornosti dodijeljenih jedinicama lokalne samouprave u roku od šest mjeseci od dana njegovog stupanja na snagu. Navode da Federacija Bosne i Hercegovine nije postupila u skladu sa prednje spomenutim odredbama Zakona, odnosno nije usaglasila svoje zakone, prvenstveno osporene odredbe Zakona, što za posljedicu ima ograničavanje prava opštinskih organa u vršenju vlastitih ovlaštenja utvrđenih Zakonom o principima lokalne samouprave. Smatraju da su osporene odredbe Zakona u suprotnosti sa odredbama Zakona o principima lokalne samouprave kojima se utvrđuje nadležnost i način postupanja načelnika/ka opština što predstavlja kršenje i Evropske povelje o lokalnoj samoupravi (u daljem tekstu: Evropska povelja).

U obrazloženju zahtjeva navode da su jedinice lokalne samouprave suočene sa različitim tumačenjima i nalozima od strane organa viših nivoa vlasti, prvenstveno organa Federacije Bosne i Hercegovine, konkretno vezano za primjenu odredbi člana 15. Zakona o principima lokalne samouprave u odnosu na odredbe Zakona o organizaciji organa uprave u Federaciji Bosne i Hercegovine (u daljem tekstu: Zakon o organizaciji organa uprave). Kao direktna posljedica neizvršavanja obaveze usaglašavanja zakona sa odredbama Zakona o principima lokalne samouprave došlo je do kršenja prava organa jedinica lokalne samouprave, odnosno opštinskog načelnika u izvršavanju nadležnosti koje su precizno utvrđene u Zakonu o principima lokalne samouprave.

Donošenjem Zakona o principima lokalne samouprave kao *lex specialis* propisa definisana je lokalna samouprava, utvrđen samoupravni djelokrug i nadležnosti jedinica lokalne samouprave, nadležnosti i međusobni odnosi organa jedinice lokalne samouprave (opštinskog vijeća i opštinskog načelnika) uz poštovanje principa sadržanih u Evropskoj povelji. Osvrću se na sadržaj pojedinih odredbi Zakona o principima lokalne samouprave.

Navode da, odredbe Zakona o organizaciji organa uprave predstavljaju propis *lex generalis* za sve organe uprave u Federaciji Bosne i Hercegovine i primjenjuju se u opštinskim organima u dijelu koji se odnose na puno poštivanje jedinstvenih principa organizacije i načina rada organa uprave u Federaciji Bosne i Hercegovine, a koja nisu predmet Zakona o principima lokalne samouprave. Smatraju da primjenjujući pravnu doktrinu tumačenja zakona "*lex specialis derogat legi generali*" u jedinicama lokalne samouprave se u cijelosti moraju primjenjivati odredbe Zakona o principima lokalne samouprave, a na način i u obimu propisanim istim.

Dileme u vezi sa primjenom člana 15. stav 1. alineja 7. Zakona o principima lokalne samouprave su prvenstveno nastale kao rezultat različitih stavova Federalnog ministarstva pravde, koje je u više navrata, počev od 2008. do 2020. godine u svojim aktima iznosilo različita mišljenja i stavove po ovom konkretnom pitanju.

U daljem analiziraju zakonsku odredbu (član 15. stav 1. alineja 7. Zakona o principima lokalne samouprave) kojom je dato ovlaštenje načelniku da "utvrđuje organizaciju službi", smatrajući da je nesporno da je korištenjem termina "utvrđuje" zakonodavac imao u vidu ovlaštenje za samostalno odlučivanje i donošenje akata kojima se uređuje organizacija službi u opštinskom organu uprave.

U konačnici zahtjeva predlažu da Ustavni sud Federacije donese presudu kojom će utvrditi da se osporenim odredbama Zakona povrjeđuje Evropska povelja i član 15. stav 1. alineje 7. i 8. Zakona o principima lokalne samouprave, te da obaveže Federaciju Bosne i Hercegovine da uskladi osporene odredbe Zakona sa prednje navedenim propisima.

**4. Bitni navodi odgovora na zahtjev**

U skladu sa članom 16. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03), Ustavni sud Federacije je aktom broj: U-12/22 od 18.03.2022. godine, zatražio od Predstavničkog doma i Doma naroda Parlamenta Federacije Bosne i Hercegovine da u roku od 30 dana od dana prijema akta dostave odgovor na zahtjev podnosioca.

Predstavnički dom Parlamenta Federacije Bosne i Hercegovine aktom broj: 01/11-02-176-3/22 od 06.04.2022. godine, Ustavnom sudu Federacije je dana 07.04.2022. godine dostavio odgovor na zahtjev podnosioca. U tom odgovoru se navodi da Komisija za lokalnu samoupravu spomenutog Doma smatra da član 49. Zakona o organizaciji organa uprave nije suprotan Ustavu Federacije Bosne i Hercegovine, niti je u koliziji sa Zakonom o principima lokalne samouprave. Prednje iz razloga što je u članu

15. stav 1. alineja 7. Zakona o principima lokalne samouprave utvrđeno da opštinski načelnik "utvrđuje organizaciju službi za upravu i drugih službi jedinice lokalne samouprave". Nesporno je da opštinski načelnik utvrđuje prijedlog odluke o organizaciji službi za upravu i drugih službi jedinice lokalne samouprave, ali odluku donosi opštinsko vijeće, kako je i propisano Zakonom o organizaciji organa uprave. Na isti način Vlada Federacije Bosne i Hercegovine utvrđuje zakone, a Parlament Federacije Bosne i Hercegovine usvaja zakone. Dalje se navodi da prema statutima predmetnih opština i prema Zakonu o organizaciji organa uprave, načelnici nisu nadležni da donose odluku kao vrstu opšteg akta. Član 52. Zakona o organizaciji organa uprave nije suprotan Ustavu Federacije Bosne i Hercegovine, niti je u koliziji sa Zakonom o principima lokalne samouprave, međutim smatraju da nakon donošenja odluke o organizaciji službi za upravu i drugih službi jedinice lokalne samouprave od strane opštinskog vijeća, pravilnik o unutrašnjoj organizaciji organa uprave kao provedbeni akt donosi načelnik opštine.

Zakonodavno – pravna komisija Predstavničkog doma Parlamenta Federacije Bosne i Hercegovine je, nakon isteka roka za davanje odgovora, aktom broj: 01/2-02-1017/22-5 od 06.06.2022. godine Ustavnom sudu Federacije dostavila odgovor na zahtjev podnosioca. U tom odgovoru se navodi da je Komisija nakon rasprave jednoglasno zaključila da nema povrede prava na lokalnu samoupravu i da je zahtjev neosnovan.

Dom naroda Parlamenta Federacije Bosne i Hercegovine nije dostavio traženi odgovor.

Također, Vlada Federacije Bosne i Hercegovine aktom broj: 03-01-389/2022 od 18.04.2022. godine, koji je zaprimljen u ovom sudu dana 22.04.2022. godine dostavila je Mišljenje na predmetni zahtjev za zaštitu prava na lokalnu samoupravu. Smatraju da je zahtjev neosnovan i da su odredbe Zakona o organizaciji organa uprave i Zakona o principima lokalne samouprave međusobno usklađene, te su detaljno obrazložili navedeno. Predlažu da Sud donese presudu kojom će predmetni zahtjev odbiti kao neosnovan.

## 5. Relevantno pravo

### A. Ustav Federacije Bosne i Hercegovine

#### Član VI.2 (1)

- (1) U opštini se ostvaruje lokalna samouprava.

#### Amandman XVIII

Član VII.3. Ustava Federacije Bosne i Hercegovine mijenja se i glasi:

"Međunarodni ugovori i drugi sporazumi koji su na snazi u Bosni i Hercegovini i Federaciji, te opšta pravila međunarodnog prava čine dio zakonodavstva Federacije. U slučaju nesaglasnosti međunarodnog ugovora, odnosno sporazuma i zakonodavstva, prevladava međunarodni ugovor, odnosno sporazum."

#### Amandman XCVI

U članu IV.C.10 iza stava (2) dodaje se novi stav (3) koji glasi:

- "(3) Zaštitu prava na lokalnu samoupravu osigurava Ustavni sud. Takav postupak pred Ustavnim sudom mogu pokrenuti opštine i gradovi, kao i udruženja opština i gradova Federacije Bosne i Hercegovine. Ustavni sud odlučuje o sporovima između jedinica lokalne samouprave i kantona ili Federacije na zahtjev opštinskog ili gradskog vijeća, načelnika opštine ili gradonačelnika grada, ili udruženja opština i gradova Federacije Bosne i Hercegovine."

Dosadašnji st. (3) i (4) postaju st. (4) i (5);

### B. Evropska povelja o lokalnoj samoupravi

#### Član 4.

#### Djelokrug lokalne samouprave

1. Osnovna prava i dužnosti lokalnih vlasti bit će utvrđeni ustavom ili statutom, time se, međutim, ne sprječava prenošenje na lokalne vlasti prava i odgovornosti za specifične zadatke, u skladu sa zakonom.
2. Lokalne vlasti će, u granicama zakona, imati puno diskreciono pravo da provode svoje inicijative u vezi sa svim stvarima koje nisu isključene iz njihove nadležnosti, niti stavljene u nadležnost neke druge vlasti.
3. Javni poslovi će se po pravilu, vršiti prije svega od strane onih vlasti koje su najbliže građanima. Prilikom prenošenja odgovornosti na neke drugu vlast vodit će se računa o obimu i prirodi posla, kao i o zahtjevima efikasnosti i ekonomičnosti.
4. Prava povjerena lokalnim vlastima će po pravilu biti puna i isključiva. Ona ne smiju biti uskraćena ili ograničena od strane neke druge – centralne ili regionalne vlasti, osim u slučajevima predviđenim zakonom.
5. U slučajevima prenošenja ovlaštenja sa centralnih i regionalnih na lokalne vlasti, lokalnim vlastima će, u što je moguće većoj mjeri, biti dozvoljeno da prilagođavaju njihovo provođenje u lokalnim uslovima.
6. Lokalne vlasti će biti konsultovane, u najvećoj mogućoj mjeri, pravovremeno i na odgovarajući način, u procesu planiranja i donošenja odluka o svim stvarima koje ih se direktno tiču.

#### Član 6. stav 1.

Odgovarajuća organizacija uprave i izvori sredstava za obavljanje poslova lokalne vlasti

1. U mjeri u kojoj to nije u sukobu sa opštim statutarnim odredbama, lokalne vlasti će imati mogućnost da određuju vlastitu internu upravnu strukturu, u cilju njenog prilagođavanja lokalnim potrebama i efikasnog rukovođenja radom organa uprave.

### C. Zakon o principima lokalne samouprave u Federaciji Bosne i Hercegovine

("Službene novine Federacije BiH", br. 49/06 i 51/09)

#### Član 2.

Lokalna samouprava podrazumijeva pravo i osposobljenost jedinica lokalne samouprave da, u granicama zakona, regulišu i upravljaju određenim javnim poslovima na osnovu vlastite odgovornosti i u interesu lokalnog stanovništva.

#### Član 3.

Lokalna samouprava se organizuje i ostvaruje u opštinama i gradovima kao jedinicama lokalne samouprave (u daljem tekstu: jedinice lokalne samouprave), a izvršavaju je organi jedinice lokalne samouprave i građani, u skladu sa Ustavom i zakonom i statutom jedinice lokalne samouprave.

#### Član 8.

Jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona.

Ona će biti samostalna u odlučivanju o pitanjima iz vlastitih nadležnosti, koje ne mogu biti ograničene ili uskraćene od federalnih ili kantonalnih vlasti, osim u slučajevima i u okvirima utvrđenim ustavom i zakonom.

U vlastite nadležnosti jedinice lokalne samouprave posebno spadaju:

(...)

- organizovanje efikasne lokalne uprave prilagođene lokalnim potrebama;

(...)

Osim ukoliko zakon ne odredi da neku nadležnost treba smatrati povjerenom, nadležnost, ustanovljena ili predviđena zakonom, smatra se vlastitom nadležnosti jedinice lokalne samouprave.

#### Član 13.

Organ odlučivanja jedinice lokalne samouprave je opštinsko vijeće u opštini, a gradsko vijeće u gradu (u daljem tekstu: vijeće). Vijeće u okviru svojih nadležnosti:

(...)

- donosi odluke o organizaciji mjesne samouprave i nazivima ulica, trgova i dijelova naseljenih mjesta;

(...)

- obavlja i druge poslove utvrđene zakonom i statutom.

Članovi vijeća odgovaraju za ustavnost i zakonitost akata koje vijeće donosi u okviru svojih nadležnosti.

#### Član 15.

Načelnik/ca u okviru svoje nadležnosti:

- predstavlja i zastupa jedinicu lokalne samouprave;

(...)

- predlaže odluke i druge opšte akte vijeću;

(...)

- izvršava zakone i druge propise čije je izvršenje povjereno jedinici lokalne samouprave;
- utvrđuje organizaciju službi za upravu i drugih službi jedinice lokalne samouprave;
- donosi pravilnik o unutrašnjoj organizaciji službi jedinice lokalne samouprave;

(...)

Načelnik/ca odgovara za ustavnost i zakonitost akata koje donosi, odnosno predlaže vijeću.

#### Član 16.

Međusobni odnosi vijeća i načelnika/ce zasnivaju se na principima međusobnog uvažavanja i saradnje, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje jedinica lokalne samouprave.

#### Član 58.

Danom stupanja na snagu ovog zakona prestaje da važi Zakon o osnovama lokalne samouprave ("Službene novine Federacije BiH", broj 6/95).

Federacija BiH i kantoni dužni su uskladiti svoje zakone sa ovim zakonom, te izvršiti prijenos poslova i nadležnosti, kao i odgovornosti dodijeljenih jedinicama lokalne samouprave ovim zakonom u roku od šest mjeseci od dana njegovog stupanja na snagu.

Jedinice lokalne samouprave dužne su uskladiti svoje statute sa ovim zakonom u roku od 12 mjeseci od dana njegovog stupanja na snagu.

Stupanjem na snagu ovog zakona prestaju da važe odredbe kantonalnih zakona o lokalnoj samoupravi i odredbe statuta jedinica lokalne samouprave koje su u suprotnosti sa odredbama ovog zakona.

### D. Zakon o organizaciji organa uprave u Federaciji Bosne i Hercegovine ("Službene novine Federacije BiH", broj 35/05)

#### Član 1.

Ovim Zakonom uređuje se organizacija i način funkcionisanja organa državne uprave u Federaciji Bosne i Hercegovine (u daljem tekstu: Federacija) koja obuhvata: položaj, ulogu, organizaciju, ovlaštenja i obaveze u obavljanju upravnih, stručnih i drugih poslova, međusobne odnose organa uprave i odnos organa uprave prema građanima, organima izvršne i

zakonodavne vlasti, ombudsmenima, privrednim društvima i drugim pravnim licima (u daljem tekstu: pravno lice), kao i druga pitanja od značaja za organizaciju i rad organa državne uprave na svim nivoima vlasti u Federaciji.

#### Član 49. stav 4. - osporena odredba

Opštinski organi uprave i opštinske upravne organizacije osnivaju se i ukidaju i njihov djelokrug utvrđuje odlukom opštinskog vijeća o organizaciji i djelokrugu opštinskih organa uprave i upravnih organizacija u skladu sa ovim zakonom i odgovarajućim zakonom kantona.

#### Član 52. stav 1. tačka 3. - osporena odredba

Pravilnik o unutrašnjoj organizaciji organa i organizacija iz stava 1. člana 51. ovog zakona donose, i to:

- 3) opštinski načelnik za opštinske organe uprave i opštinske upravne organizacije, uz saglasnost opštinskog vijeća.

### 6. Činjenično stanje i stav Ustavnog suda Federacije

Nakon analize zahtjeva, odgovora na zahtjev, analize cjelokupne dokumentacije u spisu predmeta, te relevantnog prava, utvrđeno je kako slijedi u nastavku.

Zahtjev za zaštitu prava na lokalnu samoupravu, koju prema relevantnim odredbama Ustava Federacije Bosne i Hercegovine osigurava Ustavni sud Federacije, pokrenuli su ovlašteni podnosioci, odnosno načelnici devet opština u Kantonu Sarajevo.

U bitnom, podnosioci zahtjeva smatraju da je opštinama u Kantonu Sarajevo osporenim odredbama Zakona povrijeđeno pravo na lokalnu samoupravu iz razloga što osporene odredbe Zakona krše Evropsku povelju i član 15. stav 1. alineje 7. i 8. Zakona o principima lokalne samouprave. Smatraju da osporene odredbe Zakona ograničavaju prava opštinskih organa u vršenju vlastitih ovlaštenja utvrđenih Zakonom o principima lokalne samouprave. Prednje iz razloga što Federacija Bosne i Hercegovine nije postupila u skladu sa odredbom člana 58. Zakona o principima lokalne samouprave kojom je, između ostalog, propisano da su Federacija Bosne i Hercegovine i kantoni dužni uskladiti svoje zakone sa tim zakonom, u roku od šest mjeseci od dana njegovog stupanja na snagu.

Predstavnički dom Parlamenta Federacije Bosne i Hercegovine je osporio navode iz zahtjeva na način kao je navedeno u tački 4. ove presude.

Ustavom Federacije Bosne i Hercegovine, članom VI.2.(1) propisano je da se u opštinama ostvaruje lokalna samouprava. Članom VII.3. u vezi sa Amandmanom XVIII na Ustav Federacije Bosne i Hercegovine propisano je da međunarodni ugovori i drugi sporazumi koji su na snazi u Bosni i Hercegovini, kao i opšta pravila međunarodnog prava, čine dio zakonodavstva Federacije Bosne i Hercegovine, a da u slučaju nesuglasnosti međunarodnog ugovora, odnosno sporazuma i zakonodavstva, prevladava međunarodni ugovor. Evropska povelja o lokalnoj samoupravi, kao akt međunarodnog prava, ratifikovana je 1994. godine, kada je i stupila na snagu i od tada su njezine odredbe postale sastavni dio zakonodavstva Federacije Bosne i Hercegovine. Evropskom poveljom utvrđen je pravni standard ustavne i zakonske osnove i položaja lokalne samouprave. Članom 4. Evropske povelje propisan je djelokrug lokalne samouprave, dok je članom 6. propisana organizacija uprave i izvori sredstava za obavljanje poslova lokalnih vlasti.

Parlament Federacije Bosne i Hercegovine donio je Zakon o principima lokalne samouprave, koji je stupio na snagu 07.09.2006. godine i koji uređuje definiciju lokalne samouprave, samoupravni djelokrug, međusobne odnose vijeća i načelnika/ca jedinica lokalne samouprave, upravni nadzor, saradnju jedinica lokalne samouprave i viših organa vlasti, odnos i saradnju federalnih i kantonalnih vlasti i jedinica lokalne samouprave, nadzor nad primjenom zakona, kao i druga pitanja. Tim zakonom

propisano je da se lokalna samouprava organizuje i ostvaruje u opštinama i gradovima kao jedinicama lokalne samouprave, a izvršavaju je organi jedinice lokalne samouprave i građani.

Problem koji podnosioci zahtjeva elaboriraju u suštini je pitanje nadležnosti između organa jedinice lokalne samouprave (opštinsko vijeće i opštinski načelnik) za osnivanje, ukidanje i uređenje djelokruga rada opštinskih organa uprave i opštinske upravne organizacije, kao i nadležnosti za donošenje pravilnika o unutrašnjoj organizaciji organa uprave i opštinskih upravnih organizacija. Osporenim odredbama Zakona se niti u jednom dijelu ne ograničavaju ili onemogućuju jedinice lokalne samouprave u vršenju svojih prava i nadležnosti, odnosno ne uskraćuje im se pravo da određuju vlastitu internu upravnu strukturu, te se stoga u kontekstu relevantnih odredbi Ustava Federacije Bosne i Hercegovine i Evropske povelje ne može govoriti o povredi prava na lokalnu samoupravu.

Dakle, u odnosu na pitanje lokalne samouprave, ovaj sud se kao institucija ovlaštena za zaštitu prava na lokalnu samoupravu prvenstveno upušta u razmatranje ustavnog položaja lokalne samouprave u kontekstu Evropske povelje. U tom kontekstu opštine nisu osporenim odredbama Zakona ni na koji način "razvlašćene" jer su organi lokalne samouprave opštinska vijeća i načelnici opština. Eventualni "sukob nadležnosti" ovih organa nije pitanje povrede prava na lokalnu samoupravu prema Evropskoj povelji, te kao takvo i nije relevantno za odlučivanje.

Na osnovu svega izloženog Ustavni sud Federacije je mišljenja da osporenim odredbama Zakona nije povrijeđeno pravo na lokalnu samoupravu navedenih opština jer iste mogu u okviru svojih nadležnosti da uspostave odgovarajuću organizaciju uprave.

Imajući u vidu sve izneseno, Ustavni sud Federacije odlučio je kao u izreci ove presude.

Ovu presudu Ustavni sud Federacije donio je jednoglasno u sastavu: Aleksandra Martinović, predsjednica Suda, Vesna Budimir, Mirjana Čučković, prof.dr. Edin Muminović i dr.sc. Kata Senjak, sudije Suda.

Predsjednica  
Ustavnog suda Federacije  
Bosne i Hercegovine  
**Aleksandra Martinović, s. r.**

Broj U-12/22  
12. oktobra 2022. godine  
Sarajevo

Ustavni sud Federacije Bosne i Hercegovine, odlučujući o zahtjevu načelnika općina: Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo, za zaštitu prava na lokalnu samoupravu u svezi s primjenom članka 49. stavak 4. i članka 52. stavak 1. točka 3. Zakona o ustrojstvu organa uprave u Federaciji Bosne i Hercegovine, na temelju članka IV.C.3.10.(3) Ustava Federacije Bosne i Hercegovine, a u svezi s Amandmanom XCVI na Ustav Federacije Bosne i Hercegovine, na sjednici bez javne rasprave održanoj dana 12.10.2022. godine, donio je sljedeću:

### PRESUDU

Utvrđuje se da člankom 49. stavak 4. i člankom 52. stavak 1. točka 3. Zakona o ustrojstvu organa uprave u Federaciji Bosne i Hercegovine ("Službene novine Federacije BiH", broj: 35/05), nije povrijeđeno pravo na lokalnu samoupravu općina: Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo.

Presudu objaviti u "Službenim novinama Federacije BiH" i "Službenim novinama Kantona Sarajevo".

### Obrazloženje

#### 1. Podnosioci zahtjeva i predmet zahtjeva

Načelnici općina: Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo (u daljnjem tekstu: podnosioci zahtjeva) dana

11.03.2022. godine, podnijeli su Ustavnom sudu Federacije Bosne i Hercegovine (u daljnjem tekstu: Ustavni sud Federacije) zahtjev za zaštitu prava na lokalnu samoupravu u svezi s primjenom članka 49. stavak 4. i članka 52. stavak 1. točka 3. Zakona o ustrojstvu organa uprave u Federaciji Bosne i Hercegovine (u daljnjem tekstu: osporene odredbe Zakona).

Sukladno s Amandmanom XCVI na Ustav Federacije Bosne i Hercegovine, podnosioci zahtjeva su ovlašteni za pokretanje postupka za zaštitu prava na lokalnu samoupravu pred Ustavnim sudom Federacije.

#### 2. Stranke u postupku

Stranke u postupku u ovom ustavnosudbenom predmetu na temelju Amandmana XCVI na Ustav Federacije Bosne i Hercegovine su: podnosioci zahtjeva i Parlament Federacije Bosne i Hercegovine, kao donositelj Zakona čije odredbe se osporavaju.

#### 3. Bitni navodi zahtjeva

Podnosioci zahtjeva u uvodnom dijelu svog zahtjeva navode da je člankom 58. Zakona o načelima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09, u daljnjem tekstu: Zakon o načelima lokalne samouprave) utvrđena obveza Federacije Bosne i Hercegovine i kantona da usuglase svoje zakone sa spomenutim Zakonom, izvrše prijenos poslova i nadležnosti, kao i odgovornosti dodijeljenih jedinicama lokalne samouprave u roku od šest mjeseci od dana njegovog stupanja na snagu. Navode da Federacija Bosne i Hercegovine nije postupila sukladno s prednje spomenutim odredbama Zakona, odnosno nije usuglasila svoje zakone, prvenstveno osporene odredbe Zakona, što za posljedicu ima ograničavanje prava općinskih organa u vršenju vlastitih ovlasti utvrđenih Zakonom o načelima lokalne samouprave. Smatraju da su osporene odredbe Zakona u suprotnosti s odredbama Zakona o načelima lokalne samouprave kojima se utvrđuje nadležnost i način postupanja načelnika/ka općina što predstavlja kršenje i Evropske povelje o lokalnoj samoupravi (u daljnjem tekstu: Europska povelja).

U obrazloženju zahtjeva navode da su jedinice lokalne samouprave suočene s različitim tumačenjima i nalozima od strane organa viših razina vlasti, prvenstveno organa Federacije Bosne i Hercegovine, konkretno vezano za primjenu odredbi članka 15. Zakona o načelima lokalne samouprave u odnosu na odredbe Zakona o ustrojstvu organa uprave u Federaciji Bosne i Hercegovine (u daljnjem tekstu: Zakon o ustrojstvu organa uprave). Kao direktna posljedica neizvršavanja obveze usuglašavanja zakona s odredbama Zakona o načelima lokalne samouprave došlo je do kršenja prava organa jedinica lokalne samouprave, odnosno općinskog načelnika u izvršavanju nadležnosti koje su precizno utvrđene u Zakonu o načelima lokalne samouprave.

Donošenjem Zakona o načelima lokalne samouprave kao *lex specialis* propisa definirana je lokalna samouprava, utvrđen samoupravni djelokrug i nadležnosti jedinica lokalne samouprave, nadležnosti i međusobni odnosi organa jedinice lokalne samouprave (općinskog vijeća i općinskog načelnika) uz poštivanje načela sadržanih u Europskoj povelji. Osvrću se na sadržaj pojedinih odredbi Zakona o načelima lokalne samouprave.

Navode da, odredbe Zakona o ustrojstvu organa uprave predstavljaju propis *lex generalis* za sve organe uprave u Federaciji Bosne i Hercegovine i primjenjuju se u općinskim organima u dijelu koji se odnose na puno poštivanje jedinstvenih načela ustrojstva i načina rada organa uprave u Federaciji Bosne i Hercegovine, a koja nisu predmet Zakona o načelima lokalne samouprave. Smatraju da primjenjujući pravnu doktrinu tumačenja zakona "*lex specialis derogat legi generali*" u jedinicama lokalne samouprave se u cijelosti moraju primjenjivati



odredbe Zakona o načelima lokalne samouprave, a na način i u obimu propisanim istim.

Dileme u svezi s primjenom članka 15. stavak 1. alineja 7. Zakona o načelima lokalne samouprave su prvenstveno nastale kao rezultat različitih stavova Federalnog ministarstva pravde, koje je u više navrata, počev od 2008. do 2020. godine u svojim aktima iznosilo različita mišljenja i stavove po ovom konkretnom pitanju.

U daljnjem analiziraju zakonsku odredbu (članak 15. stavak 1. alineja 7. Zakona o načelima lokalne samouprave) kojom su date ovlasti načelniku da "utvrđuje ustrojstvo službi", smatrajući da je nesporno da je korištenjem termina "utvrđuje" zakonodavac imao u vidu ovlasti za samostalno odlučivanje i donošenje akata kojima se uređuje ustrojstvo službi u općinskom organu uprave.

U konačnici zahtjeva predlažu da Ustavni sud Federacije donese presudu kojom će utvrditi da se osporenim odredbama Zakona povrjeđuje Europska povelja i članak 15. stavak 1. alineje 7. i 8. Zakona o načelima lokalne samouprave, te da obveže Federaciju Bosne i Hercegovine da usuglasi osporene odredbe Zakona s prednje navedenim propisima.

#### 4. Bitni navodi odgovora na zahtjev

Sukladno s člankom 16. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03), Ustavni sud Federacije je aktom broj: U-12/22 od 18.03.2022. godine, zatražio od Zastupničkog doma i Doma naroda Parlamenta Federacije Bosne i Hercegovine da u roku od 30 dana od dana prijema akta dostave odgovor na zahtjev podnositelja.

Zastupnički dom Parlamenta Federacije Bosne i Hercegovine aktom broj: 01/11-02-176-3/22 od 06.04.2022. godine, Ustavnom sudu Federacije je dana 07.04.2022. godine dostavio odgovor na zahtjev podnositelja. U tom odgovoru se navodi da Povjerenstvo za lokalnu samoupravu spomenutog Doma smatra da članak 49. Zakona o ustrojstvu organa uprave nije suprotan Ustavu Federacije Bosne i Hercegovine, niti je u koliziji sa Zakonom o načelima lokalne samouprave. Prednje iz razloga što je u članku 15. stavak 1. alineja 7. Zakona o načelima lokalne samouprave utvrđeno da općinski načelnik "utvrđuje ustrojstvo službi za upravu i drugih službi jedinice lokalne samouprave". Nesporno je da općinski načelnik utvrđuje prijedlog odluke o ustrojstvu službi za upravu i drugih službi jedinice lokalne samouprave, ali odluku donosi općinsko vijeće, kako je i propisano Zakonom o ustrojstvu organa uprave. Na isti način Vlada Federacije Bosne i Hercegovine utvrđuje zakone, a Parlament Federacije Bosne i Hercegovine usvaja zakone. Dalje se navodi da prema statutima predmetnih općina i prema Zakonu o ustrojstvu organa uprave, načelnici nisu nadležni da donose odluku kao vrstu općeg akta. Članak 52. Zakona o ustrojstvu organa uprave nije suprotan Ustavu Federacije Bosne i Hercegovine, niti je u koliziji sa Zakonom o načelima lokalne samouprave, međutim smatraju da nakon donošenja odluke o ustrojstvu službi za upravu i drugih službi jedinice lokalne samouprave od strane općinskog vijeća, pravilnik o unutarnjem ustrojstvu organa uprave kao provedbeni akt donosi načelnik općine.

Zakonodavno - pravno povjerenstvo Zastupničkog doma Parlamenta Federacije Bosne i Hercegovine je, nakon isteka roka za davanje odgovora, aktom broj: 01/2-02-1017/22-5 od 06.06.2022. godine Ustavnom sudu Federacije dostavilo odgovor na zahtjev podnositelja. U tom odgovoru se navodi da je Povjerenstvo nakon rasprave jednoglasno zaključilo da nema povrede prava na lokalnu samoupravu i da je zahtjev neutemeljen.

Dom naroda Parlamenta Federacije Bosne i Hercegovine nije dostavio traženi odgovor.

Također, Vlada Federacije Bosne i Hercegovine aktom broj: 03-01-389/2022 od 18.04.2022. godine, koji je zaprimljen u

ovom sudu dana 22.04.2022. godine dostavila je Mišljenje na predmetni zahtjev za zaštitu prava na lokalnu samoupravu. Smatraju da je zahtjev neutemeljen i da su odredbe Zakona o ustrojstvu organa uprave i Zakona o načelima lokalne samouprave međusobno usuglašene, te su detaljno obrazložili navedeno. Predlažu da Sud donese presudu kojom će predmetni zahtjev odbiti kao neutemeljen.

#### 5. Relevantno pravo

##### A. Ustav Federacije Bosne i Hercegovine

###### Članak VI.2 (1)

- (1) U općini se ostvaruje lokalna samouprava.

###### Amandman XVIII

Članak VII.3. Ustava Federacije Bosne i Hercegovine mijenja se i glasi:

"Međunarodni ugovori i drugi sporazumi koji su na snazi u Bosni i Hercegovini i Federaciji, te opća pravila međunarodnog prava čine dio zakonodavstva Federacije. U slučaju nesuglasja međunarodnog ugovora, odnosno sporazuma i zakonodavstva, prevladava međunarodni ugovor, odnosno sporazum."

###### Amandman XCVI

U članku IV.C.10 iza stavka (2) dodaje se novi stavak (3) koji glasi:

- "(3) Zaštitu prava na lokalnu samoupravu osigurava Ustavni sud. Takav postupak pred Ustavnim sudom mogu pokrenuti općine i gradovi, kao i udruženja općina i gradova Federacije Bosne i Hercegovine. Ustavni sud odlučuje o sporovima između jedinica lokalne samouprave i kantona ili Federacije na zahtjev općinskog ili gradskog vijeća, načelnika općine ili gradonačelnika grada, ili udruženja općina i gradova Federacije Bosne i Hercegovine."

Dosadašnji st. (3) i (4) postaju st. (4) i (5);

##### B. Europska povelja o lokalnoj samoupravi

###### Članak 4.

###### Djelokrug lokalne samouprave

- Osnovna prava i dužnosti lokalnih vlasti bit će utvrđeni ustavom ili statutom, time se, međutim, ne sprječava prenošenje na lokalne vlasti prava i odgovornosti za specifične zadatke, sukladno sa zakonom.
- Lokalne vlasti će, u granicama zakona, imati puno diskrecijsko pravo da provode svoje inicijative u svezi sa svim stvarima koje nisu isključene iz njihove nadležnosti, niti stavljene u nadležnost neke druge vlasti.
- Javni poslovi će se po pravilu, vršiti prije svega od strane onih vlasti koje su najbliže građanima. Prilikom prenošenja odgovornosti na neke drugu vlast vodit će se računa o obimu i prirodni posla, kao i o zahtjevima efikasnosti i ekonomičnosti.
- Prava povjerena lokalnim vlastima će po pravilu biti puna i isključiva. Ona ne smiju biti uskraćena ili ograničena od strane neke druge - centralne ili regionalne vlasti, osim u slučajevima predviđenim zakonom.
- U slučajevima prenošenja ovlasti s centralnih i regionalnih na lokalne vlasti, lokalnim vlastima će, u što je moguće većoj mjeri, biti dozvoljeno da prilagođavaju njihovo provođenje u lokalnim uvjetima.
- Lokalne vlasti će biti konzultirane, u najvećoj mogućoj mjeri, blagovremeno i na odgovarajući način, u procesu planiranja i donošenja odluka o svim stvarima koje ih se direktno tiču.



Bosna i Hercegovina, Federacija Bosne i Hercegovine, AGENCIJA ZA DRŽAVNU SLUŽBU  
Босна и Херцеговина, Федерација Босне и Херцеговине, АГЕНЦИЈА ЗА ДРЖАВНУ СЛУЖБУ  
Bosnia and Herzegovina, Federation of Bosnia and Herzegovina, CIVIL SERVICE AGENCY

Broj: 07-02-2-1342-2/22  
Sarajevo, 16.12.2022.godine

21.12.2022

04 | 04 | 8536 |

04  
14

**GRAD SARAJEVO**  
Hamdije Kreševljakovića 3  
71000 Sarajevo  
n/r Gadonačelnice ✓

**GRADSKO VIJEĆE GRADA SARAJEVA**  
Hamdije Kreševljakovića 3  
71000 Sarajevo  
n/r Predsjedavajućeg

**OPĆINA CENTAR SARAJEVO**  
Mis Irbina 1  
71000 Sarajevo  
n/r Načelnika

**OPĆINSKO VIJEĆE OPĆINE CENTAR**  
Mis Irbina 1  
71000 Sarajevo  
n/r Predsjedavajućeg

**OPĆINA NOVI GRAD SARAJEVO**  
Bulevar Meše Selimovića 97  
71000 Sarajevo  
n/r Načelnika

**OPĆINSKO VIJEĆE OPĆINE NOVI GRAD**  
Bulevar Meše Selimovića 97  
71000 Sarajevo  
n/r Predsjedavajućeg

**OPĆINA NOVO SARAJEVO**  
Zmaja od Bosne 55  
71000 Sarajevo  
n/r Načelnika

**OPĆINSKO VIJEĆE OPĆINE NOVO SARAJEVO Zmaja od Bosne 55**  
Zmaja od Bosne 55  
71000 Sarajevo  
n/r Predsjedavajućeg

**OPĆINA STARI GRAD SARAJEVO**  
Zelenih beretki 4  
71000 Sarajevo  
n/r Načelnika



OPĆINSKO VIJEĆE OPĆINE STARI GRAD  
Zelenih beretki 4  
71000 Sarajevo  
n/r Predsjedavajućeg

OPĆINA VOGOŠĆA  
Jošanička 80  
71320 Vogošća  
n/r Načelnika

OPĆINSKO VIJEĆE OPĆINE VOGOŠĆA  
Jošanička 80  
71320 Vogošća  
n/r Predsjedavajućeg

OPĆINA HADŽIĆI  
Hadželi 114  
Hadžići  
n/r Načelnika

OPĆINSKO VIJEĆE OPĆINE HADŽIĆI  
Hadželi 114  
Hadžići  
n/r Predsjedavajućeg

OPĆINA ILIJAŠ  
126 Ilijaške brigade 6  
ILIJAŠ  
n/r Načelnika

OPĆINSKO VIJEĆE OPĆINE ILIJAŠ  
126 Ilijaške brigade 6  
71380 ILIJAŠ  
n/r Predsjedavajućeg

OPĆINA ILIDŽA  
Butmirska cesta 12  
71210 Ilidža  
n/r Načelnika

OPĆINSKO VIJEĆE OPĆINE ILIDŽA  
Butmirska cesta 12  
71210 Ilidža  
n/r Predsjedavajućeg

OPĆINA TRNOVO  
Trnovo 36  
71223 Delijaš  
n/r Načelnika

OPĆINSKO VIJEĆE OPĆINE TRNOVO  
Trnovo 36  
71223 Delijaš  
n/r Predsjedavajućeg

Poštovani,

U vezi sa ranijim dopisom kojim smo vas informisali da ćemo privremeno obustaviti objavu javnih konkursa po zahtjevu općina i gradova, a nakon donošenja Presude Ustavnog suda Federacije Bosne i Hercegovine broj: U-12/22 od 12.10.2022.godine, obavještavamo vas da smo pribavili mišljenje Federalnog ministarstva pravde broj: 09-45-3583/22 od 12.12.2022.godine, koje vam dostavljamo u prilogu ovog akta.

U skladu sa mišljenjem Federalnog ministarstva pravde u kojem se, između ostalog, navodi „da je Presudom Ustavnog suda Federacije Bosne i Hercegovine otkolonjena svaka dilema o potrebi davanja saglasnosti na pravilnik o unutrašnjoj organizaciji općinskog/gradskog organa uprave od strane općinskog/gradskog vijeća, mišljenja smo da je na sve pravilnike donesene nakon Presude Ustavnog suda Federacije Bosne i Hercegovine potrebna saglasnost općinskog/gradskog vijeća“, Agencija će nastaviti sa objavama javnih konkursa i provođenjem procedura iz svoje nadležnosti.

U odnosu na nove pravilnike koje organi lokalne uprave donesu i na osnovu kojih podnesu Agenciji zahtjeve za objavu javnih konkursa, a ukoliko na iste ne bude data saglasnost općinskih/gradski vijeća, Agencija će provesti konkursne procedure ali ne preuzima odgovornost za eventualne posljedice koje mogu nastupiti u slučaju žalbenih postupaka u kojima kao žalbeni razlog bude istaknuta činjenica izostanka saglasnosti općinskog/gradskog vijeća na pravilnik o unutrašnjoj organizaciji.

Prilog, kao u tekstu

S poštovanjem,

Po ovlaštenju direktora  
Načelnik Službe za postavljenja u organima  
državne službe u Kantonu Sarajevo

Salina Karasalić *Kvić*


Dostavljeno:

1. Naslovu, svima
2. U spis,
3. a/a

Broj: 09-45-3583/22  
Sarajevo, 12.12.2022. godine

AGENCIJA ZA DRŽAVNU SLUŽBU  
FEDERACIJE BOSNE I HERCEGOVINE

SARAJEVO



**PREDMET:** Mišljenje.-

**VEZA:** Vaš akt broj: 06-02-4-1347-2/22 od 29.11.2022. godine

U vezi sa Vašim aktom broj i datum veze kojim tražite mišljenje "da li se shodno odredbi člana 52. stav 1. tačka 3. Zakona o organizaciji organa uprave u Federaciji Bosne i Hercegovine kojim je propisano da pravilnik o unutrašnjoj organizaciji organa i organizacija iz stave 1. člana 51. Zakona donose, i to: 3) općinski načelnik za općinske organe uprave i općinske upravne organizacije, uz saglasnost općinskog vijeća, navedeni pravilnici (kojima su utvrđena radna mjesta, broj izvršitelja, opis poslova i zadataka i uvjeti za njihovo obavljanje) na koje nije data posebna saglasnost općinskog/gradskog vijeća, mogu smatrati formalno pravno ispravnim i kao takvi mogu biti primjenjeni u konkursnim procedurama koje provodi Agencija po zahtjevima općinskih načelnika odnosno gradonačelnika, a sve u skladu sa donesenom Presudom Ustavnog suda Federacije Bosne i Hercegovine broj: U-12/22 od 12.10.2022. godine", Federalno ministarstvo pravde daje slijedeće:

### MIŠLJENJE

Odredbom člana 52. stav 1. tačka 3. Zakona o organizaciji organa uprave u Federaciji Bosne i Hercegovine (Službene novine FBiH", broj: 35/05) propisano je da "Pravilnik o unutrašnjoj organizaciji organa i organizacija iz stava 1. člana 51. ovog Zakona donose, i to: 3) općinski načelnik za općinske organe uprave i općinske upravne organizacije, uz saglasnost općinskog vijeća".

Presudom Ustavnog suda Federacije Bosne i Hercegovine broj: U-12/22 od 12.10.2022. godine utvrđeno je "da članom 49. stav. 4. i članom 52. stav 1. tačka 3. Zakona o organizaciji organa uprave u Federaciji Bosne i Hercegovine (Službene novine FBiH", broj: 35/05), nije povrijeđeno pravo na lokalnu samoupravu općina:

Centar Sarajevo, Stari Grad Sarajevo, Novo Sarajevo, Novi Grad Sarajevo, Ilidža, Vogošća, Ilijaš, Hadžići i Trnovo".

Iz gore navedenog slijedi zaključak da je potrebno da općinsko/gradsko vijeće da saglasnost na pravilnik o unutrašnjoj organizaciji općinskog/gradskog organa uprave.

Imajući u vidu činjenicu da je Presudom Ustavnog suda Federacije Bosne i Hercegovine otklonjena svaka dilema o potrebi davanja saglasnosti na pravilnik o unutrašnjoj organizaciji općinskog/gradskog organa uprave od strane općinskog/gradskog vijeća, mišljenja smo da je na sve pravilnike donesene nakon Presude Ustavnog suda Federacije Bosne i Hercegovine potrebna saglasnost općinskog/gradskog vijeća.

Odredbom člana 15. stav 2. Zakona o principima lokalne samouprave u Federaciji Bosne i Hercegovine („Službene novine FBiH“, br. 49/06 i 51/09) propisano je da „načelnik odgovara za ustavnost i zakonitost akata koje donosi, odnosno predlaže vijeću“.

S poštovanjem.

MINISTAR

Mato Jović

Dostaviti:

1. Naslovu,
2. U registar,
3. Arhivi